

宜春縣志卷十三

兵衛志

漕運附

兵可百年不用不可一日不備袁郡經明末寇變湖西
設鎮防禦多兵今幸昇平無事偃武修文兵制稍從
裁省然軍食之供先資糧餉粟米之納又藉輓輸皆爲
國家重務志兵衛

袁地竟江以西接湖湘瀏陽上高諸境盜出沒時告警明
初歐黃內附師從雲集又招降山寨諸人置袁衛以隸
之袁衛非守衛兵也後承平日久設民兵若干爲守禦
廩食有常額平時除閱操登城外無所事事一遇有警

調遣不能用命崇正丁丑臨藍寇變猶用民兵守城解
圍後創設守備一員挑選民兵及招募壯勇共八百名
駐扎東關教場南邊大街之右癸未寇亂益熾甲申始
添設叅將都司二員駐扎北關

國初袁州協鎮設副將一員都司二員守備二員千總四
員把總八員轄戰守馬步兵一千六百名歲糜俸餉銀
三萬二千八百兩有奇順治十三年巡按江西御史直
重光據分守湖西道田厥茂議疏請裁將領以省糜費
以裨實用其畧曰設兵原以固圉設將原以練兵兵不
知簡將不習兵是以兵與敵也袁協鎮兵一千六百名

今奉調閩楚併缺額共六百九十餘名實在兵丁止九
百餘名而猶設兩都司兩守備四千總八把總不幾十
羊九牧乎兵欲足額非招募不可而招募實難別營之
逃卒既無籍可稽土著之懦夫雖有稽無用計莫若擇
土著之精強者招補足一千名之數仍以副將彈壓而
止以一都司一守備二千總四把總分理之相地置兵
因兵設將則兵將適得其平矣疏奏 詔可之於是始
議置都司一員守備一員千總二員把總四員兵制漸
定始無糜餉之患載府志

袁州協營兼轄臨江駐劄袁州府原經制官八員馬步戰

守兵丁八百名康熙二十三年奉裁一百名三十四年
又奉裁二十三名見設副將一員中軍都司僉書一員
千總二員把總四員馬戰兵七十名步戰兵一百一十
七名守兵四百九十名各官自備征馬三十八匹兵戰
馬七十四雍正三年以南昌鎮標後營遊擊移駐銅鼓
營原設守備一員帶領把總一員兵丁一百二十名征
馬六匹駐防萬載縣載通志

康熙十三年甲寅棚寇爲逆改協爲鎮特設總兵官一員
康熙二十一年壬戌仍復爲協額定副總兵官一員中
軍都司一員千總二員把總四員兵丁八百名兼轄臨

江其清江新喻分宜宜春萬載萍鄉六縣各汛分撥千
把總帶兵巡防至康熙二十三年奉文裁減兵丁一百
名康熙三十四年又奉文裁減兵丁二十三名雍正六
年內奉文將萬載縣汛改歸南昌鎮標銅鼓石營管轄
其本營原防萬載縣汛把總兵丁撤調回營分防宜春
縣汛雍正七年奉文額設經制外委千把總四員分撥
各汛與防汛千把督兵協防乾隆十年奉查江西形勝
衝要惟宜春之太平關萍鄉之案山關插嶺關石夾營
關爲楚省必由之路實江省之藩籬袁郡之要害太平
關石城殘闕案山關坍塌無存插嶺關僅留舊址石夾

營關惟有磚門分別修建添丁防守旋經議詳准撥協
 防宜春外委千總一員帶兵九名巡守太平關又撥存
 袁兵五名巡守案山關案山係萍鄉縣地即今防守萍
 鄉把總外委就近管轄稽查插嶺關亦萍鄉汛原兵一
 名添撥兵四名共五名石灰營關離湘東汛不遠尙堪
 兼顧未經另撥現在協管額定官八員外委四員馬步
 戰守兵丁六百七十七名營馬七十四匹各官經制例馬
 三十八匹載府志

副總兵官一員

歲支俸銀五十三兩四錢五分零心紅紙張蔬菜燭炭銀三百二十四兩坐馬十二

匹每匹乾銀一十兩四錢餘同 中軍都司一員 歲支俸銀二十七兩三錢九分零心紅紙

張蔬菜燭炭銀一百一十四兩坐馬四匹 千總二員 歲支俸銀各十四兩九錢六分零薪蔬等銀各

三十三兩三分 把總四員 歲支俸銀各一十二兩四錢七分零薪蔬等銀各二十三

兩五錢二分零 外委千把總四員 雍正七年奉文添設仍歸馬戰數內支領

戰馬糧餉

已上袁臨協本營共額設官一十二員

額設經制馬一步九戰三守七馬步戰守兵丁八百名內

康熙二十一年奉文裁減馬戰兵十名步戰兵二十名

守兵七十名共一百名康熙三十四年奉文裁減步戰

兵二十三名現設馬戰兵七十名 每名歲支餉銀二十四兩米三石六斗

步戰兵一百一十七名 每名歲支餉銀一十八兩米三石六斗 守兵四百

九十名

每名歲支餉銀一十二兩米三石六斗

兵戰馬七十四

每匹歲支乾銀一

四兩四錢

已上袁臨協本營共額設兵六百七十七名又於實在

數內分爲四停弓箭兵二百七十三名烏鎗兵三百三

十六名大炮兵二十八名藤牌兵四十名

大炮藤牌原額無此二停

乾隆十八年奉文將弓箭兵改設

乾隆三十八年正月內裁歸臨江營千總一員外委把總

一員馬戰兵八名步戰兵十三名守兵六十名官自備

經制馬二匹兵戰馬八匹乾隆四十八年正月初一日

刪除公費守糧十七名嘉慶二十年奉文陸續裁減馬

戰兵九名守兵三十五名兵戰馬九匹於嘉慶二十一

年十二月內裁竣實在官七員兵丁五百三十五名各

官自備經制馬二十六匹兵戰馬五十三匹

現在駐劄袁州府城副總兵官一員都司一員統領馬步

戰守兵丁三百八十名防守居中調度

現在分防附郭本縣千總一員把總一員帶領馬步戰守

兵丁五十二名防守所管水陸塘汛

內把總一員係雍正六年奉文將萬

載縣汛改歸南昌鎮管轄其原防把總一員兵丁八十一名撤調回營歸五派撥巡防

本縣管轄水塘五處每塘設立塘房一所瞭樓一座烟墩

三個炮臺一座哨船一隻防守塘兵各五名共二十五

名塘 水次塘 下浦塘 朋津塘 白沙塘 西村塘

旱塘四處每塘設立塘房一所瞭樓一座烟墩三個炮

臺一座防守塘兵各二名共八名杉江塘 七旱塘 坤漢塘 澗富塘

本縣分防太平關外委千總一員帶領兵丁十一名巡防

乾隆十年奉文修葺關門詳撥外委一員防守巡查

慈化隘派撥步戰管隊一名帶兵八名巡防

管轄汛防地方東至彬江與分宜縣界連西至分界舖與

萍鄉縣界連南至澗富嶺與吉安府安福縣界連北至

周家市與萬載縣界連

額設小哨船本縣汛水塘五處各一隻

現在袁營軍伙器械

法噴炮一位 十二位防禦袁郡四城門 每門三位 百子炮五位 子母炮一位

威遠炮二位 馬蹄炮一十一位 三眼鎗九桿 鳥鎗三百三十六桿 青布繡蟒鐵盔甲七十頂 副青布滿天星鐵

盔甲二百七十一頂 副青布鐵盔實行棉甲三百三十 六頂 副藤牌四十面 牌刀四十口 挑刀十口 虎帽虎衣

虎褲襯帽各四十件 青緞號帽五百六十頂 青布鑲紅 夾布號褂二百二十八件 綠緞金龍大旗十四面 綠緞

五彩龍大旗十四面 綠緞金龍小旗七十面 綠緞五彩 龍小旗五十面 紅緞紅旗二十四面 色緞衝鋒旗二十

面 油布大旗一十六面 油布小旗八十面 油布紅旗一 十六面 色布衝鋒旗十面 大涼篷一頂 小涼篷一頂 帳

房一百四十五頂 銅鑼二面 鐵月斧二百五十把 預備火 五副 戰鼓十面 銅鑼二面 鐵月斧二百五十把 預備火

藥三千三百 舢舨彈三千二百 舢舨鐵斧鎗鎗各十把 戰纛旗桿一十二桿 各兵自備弓二百三十八張 各兵

自備撒袋箭把箭三千八百八枝 各兵自備戰箭七千 五百四十枝 各官弁自備戰箭一千四百三十枝 各兵

自備腰刀六百七十七口

其餘什物均各兵自備

按嘉定志營寨有袁州衛教場一處東教場舊在天慶觀西即東湖閣武堂今爲貢院慶元二年州守江自任移於東門外四里地名桐木岡西教場在州治前街南即舊南園舊有遠軒道堂吏隱堂効勇營在州城南街南舊名保節廂軍額二百五十一人牢城營在州城東街南廂軍額二百八十一人武雄營在州城東街南即舊同巡檢營揀中禁軍額二百人不係揀中禁軍一百人壯城營在州城西廂軍額一百人東西鋪兵額二百三十八人舊有洪州屯駐營在東門內潤州屯駐營在

漕運附

按漢唐屯田止於邊郡明設衛所天下屯田六十四萬四千二百餘迨衛伍銷耗增以客兵屯糧不足益以民糧鹽糧京運永樂都燕歲漕四百萬石建十二總輪年值運衛所任運自茲始矣袁衛五所戶額一千六百有餘屯田七百九十戶額船撥帶共百一十隻養運贍運法頗稱便積久墮壞至明末而兵凶戶絕屯荒田沒幾不可支矣

國朝定鼎勾軍招墾積困難通漕派減每搜僉造運時戶絕烟者十之七漕無覈者什之九軍運之疲也

尙可言哉今大府以狀

聞按籍清釐戶實屯足船極疲者更得摘減以甦真浩蕩無暨之恩也志之以告來者

袁州衛制

明制就衛所有閑曠之土分軍以立屯其軍以十分爲率內八分駕淺船爲運糧旗軍內二分爲操守旗軍至後遂皆爲屯運之卒其衛址所建各官廳堂店房及本衛軍數船額今雖裁廢仍錄之以備考至於衛官在明每五年撫按司道會案考選能官更番印運并操屯等差部推掌印守備一員部推左右中前後五所千總五員

譙門內宣衛屯駐營在南門內虔州屯駐營在縣西八十里陳家寨在西門外秦家寨在州西城外濫洲塘側

國朝康熙九年改設守備一員千總一員駐札省城值年督造領幫一員催押空船回南

衛址

舊衛在府治東八十步明洪武元年設指揮使司左右中三千戶所及經歷鎮撫司十三年增設前後二所共領五千戶所永樂二年立屯一十三處 正廳五間明指揮章富立

鎮靜堂在正廳後 旗纛廟在正廳西 經歷知事二司署俱在正廳

左 鎮府司署在正廳右 吏目廳在鎮撫司內 衛倉在衛治內東北

隅洪武十九年 左右中三千戶所在府治東南熙春坊南倉下今廢址

存 前後二所俱在府治東熙春坊下今廢址 存 衛

店房八十三間共租銀七十五兩五錢七分該衛動支
作名項公費今貴以鋪戶等居住每年完租銀三
十三兩二錢七分一釐在縣徵
收批解糧道爲給軍濟運之需

軍數

原額軍二千戶舊志見在操運精局門哨各差正餘軍共
一千六百四十三名後遭兵寇屯運逃亡比原額所存
不及十分之一

船數

明初額船一百隻正德間宸濠之變南昌兵冗分撥二十
隻到衛本衛船多軍累於萬歷間屢控院司乞將南昌
衛撥來船二十隻盡數撥回以甦袁軍奉批止撥回十

隻歸南昌衛尙餘十隻未還以致本衛運船額載一百
一十隻每船編軍一十一名共一千二百一十名催運
軍伴五十九名時每船該軍三銀二十一兩九錢民七
銀五十一兩一錢及封底心銀十兩共八十三兩本旗
親領造船除領官價之外尙多賠墊及明末袁郡七遭
兵燹衛軍十不存一漕船燬奪竟無一存

國朝順治六年始百計搜僉前後造船一十九隻衛弁參
罰日至又將見運船內幫丁撐駕丁折僉朋造九隻而
舊船滿料者復有八隻康熙四年知府李芳春同推官
鄭燭以袁衛凋殘獨甚漕船僉造無人等事具詳守道

周公閔章轉詳廵撫部院董公衛國仍移署糧道分廵
周公體觀蒙議以淺半減造量裁三十七隻併裁革官
軍世襲不敘設運千總以統舊旗運軍其課專以運設
守備以統城守之兵其課專以盜賊而運軍丁戶悉仍
故籍歲久漸亡頗肆攀誣賴各上憲奏允編審立冊分
別軍民以存亡定編派以貧富定領運民額更生焉九
年軍歸縣僉之後存船二十九隻三十六年因造運磨
疲經縣衛詳請以六船合併三船止有船二十六隻五
十八年又折造一船迄今袁衛四邑實其存船二十七
隻宜春縣現運漕船十隻分宜縣現運漕船四隻萍鄉
縣現運漕船九隻萬載縣現運漕船四隻

屯田總數

原額屯田坐落宜分萍萬四縣地方總共田二百三十七
頃內有田九十畝坐落瀏陽上高等處見順治間賦役
全書奉題報荒蕪屯田一百四十七頃五十九畝又積
年開墾原荒并萍鄉丈陞屯田四十九頃五十三畝五
分三釐九毫七絲一忽六微三纖又宜春分宜二縣開
墾首墾屯地及萍鄉縣丈陞屯地共十六頃十七畝七
分四釐六毫五忽四微丈陞屯塘一頃五十三畝五分
二釐三絲八忽九微四纖尙實荒田八十頃三十四畝

一分九釐三毫八絲四忽三纖現在成熟屯田一百三十八頃九十四畝五分三釐九毫七絲一忽六微三纖該科籽粒米二千七百七十八石九斗七合九勺四抄三撮應徵折銀一千一百一十一兩五錢六分三釐一毫八絲應徵加增銀二百七十七兩八錢九分七毫九絲應徵餘雜銀五十五兩二錢五分二釐成熟屯地十六頃十七畝七分四釐六毫五忽四微該科麥豆糧三百六十二石一斗一升三合六勺五抄六撮六圭應徵折銀七十二兩四錢二分二釐七毫三絲成熟屯塘一頃五十三畝五分二釐三絲八忽九微四纖應徵銀四

兩四錢二釐九絲通計成熟屯田地塘共一百五十六頃六十五畝八分六毫一絲五忽九微七纖其科籽粒米麥豆糧三千一百四十一石二升一合五勺九抄九撮六圭共徵折增餘雜銀一千五百二十一兩五錢三分七毫九絲

屯丁原編完賦共二百一十六丁坐編宜春分宜萍鄉萬載四縣

各照本縣民丁則例編徵不等

共計編銀二十二兩八錢二分

一釐七毫六絲三忽二微六纖於雍正五年奉文攤派通省屯糧內均勻帶徵現在歸併宜分萍萬四縣攤帶徵納應增徵丁銀二十五兩一錢九分七釐二毫三絲

六忽七微四纖實徵銀四十八兩一分九釐盛世滋生
丁併單丁共五十九丁康熙五十二年欽奉

恩詔以五十年丁冊定為常額續生人丁永不加賦已上丁

田二項除荒缺外實共徵銀一千五百六十九兩五錢

四分九釐七毫九絲已上已卯府志遵照賦役全書編審錄入

本縣屯田原額十九頃五十畝內成熟屯田七頃八十四

畝六分二釐八毫共科籽粒米一百五十六石九斗二

升五合六勺應徵正折銀六十二兩七錢七分零二毫

四絲應徵加增銀一十五兩六錢九分二釐五毫六絲

應徵餘徭銀四錢六分八釐四毫一絲屯地一頃三十

四畝一釐二毫共科麥豆糧二十九石九斗九升七合

應折征銀五兩九錢九分九釐四毫共科籽粒米麥豆

糧一百八十六石九斗二升二合六勺應徵正折加增

餘徭共銀八十四兩九錢三分六毫一絲原荒屯一十

頃三十一畝三分六釐乾隆二十四年奉文清出墾荒

屯田地共九頃一十三畝八分應陞屯糧銀五十八兩

三錢四分四釐二毫四纖九沙七塵七埃一渺實在原

額熟屯并清出墾荒成熟屯田共十頃九十六畝九分

二釐八毫內軍管屯田一十頃零二十六畝六分二釐

八毫每畝連原額征餘租銀一錢四分共銀一百四十

三兩七錢二分七釐九毫二絲民管屯田七十畝零三分每畝連原額征餘租銀二錢四分共銀一十六兩八錢七分二釐軍民墾荒屯地併原額共七頃三十五畝五分一釐二毫每畝征租銀八分共銀五十八兩八錢四分九毫六絲通共成熟屯田地一十八頃三十二畝四分四釐共征餘租銀二百一十九兩四錢四分八毫八絲仍有老荒一頃一十七畝五分六釐餘詳河賦志本縣軍丁原額完賦屯丁一百五十五丁計編銀十六兩九分一釐於雍正五年奉文攤派通省屯糧內均勻帶徵現應歸併該縣屯糧項下攤帶徵納應減徵丁銀十

三兩四錢一分六毫二絲實徵銀二兩六錢八分三毫八絲滋生人丁二十五丁已上丁田二項通共實徵銀八十七兩六錢一分九毫九絲乾隆二十四年奉文清查原額六百四十六丁查出漏丁二千三百九十五丁實在連原額共三千四十一丁

三十七年停止編審今計一千七百三十二丁

袁衛分船造運案

袁州府督軍總捕廳梁爲懇乞轉詳分船造運各專責成以杜偏累免悞 國漕事本年七月十八日奉督糧道護理印務劉票開康熙四十三年七月初六日奉巡撫都察院李批據萍鄉縣申詳萍邑旗丁常年赴郡公僉告板告

幫混牽耽悞累官累軍請以萍丁應歸萍僉萍丁應運萍
船聽其自便朋名承值以專造運等緣由奉批仰督糧道
確查妥議詳報再查該縣詳內稱除詳糧憲外且又將糧
憲二字抬寫查申詳本都院文冊從來無此體統殊屬目
昧想該縣精神昏憤亦不能檢點矣仰卽嚴飭具報繳奉
此案照先據該縣申詳前由到道當經批行該廳查議造
冊詳報今奉前因除詳內抬寫糧憲二字冒昧情由已經
另檄嚴飭該縣記過一次回報本都院外合亟抄詳檄行
備票行廳卽將萍鄉縣申詳萬邑之丁朋承萍邑之船各
歸各縣免致公僉混牽既經分宜分船分丁見有成例可

循有便官軍該廳有清軍專責務須秉公確查妥議如果
可行開造僉定丁船清冊並各丁允服其結卽以院行裝
頭叙具切看具詳投道以憑覆核轉詳撫憲批奪定案永
垂遵守造運緊迫毋得抗延等因奉此合亟抄詳檄行仰
縣官吏卽便遵照憲批內事理卽將萍鄉縣申詳萍邑之
丁朋承萍邑之船各歸各縣免致公僉混牽務須秉公確
查妥議如果可行開造僉定丁船清冊並各丁允服其結
叙具切看具詳報廳以憑查核轉詳糧憲批奪定案永垂
遵守事關造運重務毋得草率干咎未便須至票者

袁州府宜春縣爲懇賞轉詳分船造運等事本年九月十

一日奉署袁州府正堂兼攝本府軍捕廳事戴憲票差役張欽守前事內開本年九月初八日奉督糧道白牌開案于康熙四十三年七月初六日奉巡撫都察院李批據萍鄉縣申詳做照分宜縣例萍丁應歸萍僉應運萍船聽其自便朋名承值以專差運一案本道履任之初卽已查案飭催迄今未據詳覆該廳有清軍專責豈可任意延擱况現准本司咨奉本部院憲行一應批行事件遲延不結卽發雷簽務提經承賚銷憲令嚴切難容玩違今查此案奉批已久因何抗不確議具報倘奉院發雷簽誰任其咎本應提究經承姑亟飛催倘牌行廳卽將奉院批行萍鄉縣申詳分船造運情由立速秉公確查該縣軍丁若干戶應承漕船若干隻萍邑之丁應否歸萍邑僉解造運是否分宜縣現行成例可循逐一妥議品搭開造僉定丁船清冊各丁允服結狀備叙看詳呈賚投道以憑核詳撫院批奪定案如再延捱定提經承究處該廳亦難辭不力之咎慎之切速等因奉此惟查此案前奉糧憲轉奉撫憲批行到廳經前廳轉行該縣確查妥議叙看詳報復又屢檄飛催杳無回覆且近奉糧憲檄發雷簽誰任其咎今奉前因合亟差催爲此仰役前去宜春縣守稟卽官查照先今憲檄內事理卽將奉院批行萍鄉縣申詳分船造運情由立速

秉公確查該縣軍丁若干戶應承漕船若干隻萍邑之丁應否歸萍邑僉解造運是否分宜縣現行成例可循逐一妥議品搭開造僉定丁船清冊各丁允服結狀備叙看詳星賞赴廳立等核詳糧憲轉詳撫都院批奪定案如再延推許役卽帶經承前來究解該縣亦難辭不力之咎去役如再通同遲延有違定限回銷定行重處斷不寬饒慎之切速切速等因奉此卑縣遵卽差拘隨據旗丁彭易坤張徐吳等以萍丁減案翻新誑引分宜之例朦縣申詳悞漕坑軍卽憲照舊公僉以杜紛更以善漕運事情因康熙九年奉文飭行各衛在省循環領運其屯糧僉造悉歸各縣承管又恐貧富盛衰不一故令僉造僉運之際四邑關會郡城必公議妥確方行起解水次此通省闔衛之大例而袁郡四縣遵行永久而無誤者也不料萍丁劉仕倫周書愈等見蟻宜萬丁疲任重勢難久立于康熙四十一年胆圖滅例狡以懇除銅獎照丁分船各歸各造等情具呈衛爺黃轉詳糧憲檄行廳憲查報着縣轉詳蟻等詳呈船歸各縣悞漕之害有三累軍之苦亦有三袁衛額船二十六隻公僉酌濟衰盛益衰一旦分晰盛者愈盛衰者益衰丁難勝任造運難承悞漕之害一也且漕例內云一衛缺船通省僉補一省缺船通漕僉補亦惟洪才調濟救疲全漕

現今萍丁湯洪漢與劉生保朋船易邱圍與何祖朋船彭和坤與彭榮朋船卽此三船之內尙合兩縣之丁若必分拆則此三船將誰補助悞漕之害二也且姚劉煥曹石蔣彭喻等之二船永難復造疲困已極更欲分晰必成廢缺悞漕之害三也舊例每逢造船必令公僉漕檄亦云貧富品搭不許賣富差貧若各歸各縣則此完彼缺賣鬻難承累軍之苦一旦宜邑承船一十一隻分萬承船九隻萍邑承船六隻船旣多寡不同丁又貧富不等同屬衛弁何獨徧枯累軍之害二况一船之疲尙于幫內僉補一旦紛更不惟現在僉定之船難免拆出而疲極之船必致無人承

運累軍之苦三荷蒙前縣張轉詳糧憲張奉批如詳照舊公僉不必紛更貽悞繳前案炳據經今兩載詎料萍邑奸丁許張保捏援分宜之例朦請萍邑申請廳憲比蒙批公僉滿造漕運攸關丁分各邑事屬一體若各歸各造在萍邑固是稱便設別縣力難獨任悞漕之咎將誰歸耶該縣應從長酌議可也蟻等隨具訴在案蒙批情詞已悉仍照舊遵行何奸丁許張保等死灰復燃仍朦縣詳署理糧憲劉轉詳到院捏引分宜爲例不思康熙二十六年有分宜之丁新造板蟻宜邑之丁劉生合名熊劉謝康熙二十七年宜萍之丁劉湯公撥分宜之丁譚恩朋名劉湯段易譚

康熙四十年分宜之丁陳生一幫萬載新造合名彭奎陳
鑾四十一年黃曾新造四邑公僉幫朋缺船一分五釐分
宜無丁可僉自願幫造費銀二十兩四十二年有分宜袁
茂獨造之船通衛咸稱富丁上年新造現在宜邑拆出曾
推七丁必珊二戶共勦新造朋名袁曾丁今歲又蒙廳憲
拆出萍丁姚漢表帮宜新造外將分宜黃元五晏丙一二
戶帮萍丁吳刁缺船年年互相帮朋歷歷現據是分宜原
未有宜船歸宜之例而萍鄉之捏引朦詳實屬顯然矣總
緣萍邑現有殷實軍丁四十餘戶册內只載成丁二十三
丁通縣外報軍丁三名其間尙多隱蔽故萍邑之丁養積

成富計圖船少丁盛遂思防破丁之瓜連享一邑之安逸
竟敢破通衛之大例滅四邑之舊規藐上憲之批案開將
來之禍患况漕運之完欠關各憲之考成富者盡分貧者
勢不能造船承運且循例若有踈虞猶有舊例可援更新
一旦悞漕官司莫能展辦病漕病國坑官坑軍莫此爲
甚哀叩憲天吊查前案俯循舊例公僉品搭施恩賞詳勦
奸丁之欺罔定漕規之畫一以均苦樂以杜紛更等情到
縣據此該宜春縣知縣江爲龍查看得袁衛應運漕船每
於接領新運之際關會四縣旗丁貧富均搭公議公僉上
不悞公下不病丁原屬成例行之已久矣惟于康熙四十

一年因萍丁劉仕倫等假以懇除錮弊等事呈縣轉詳前糧憲張飭批照舊公僉不必紛更貽悞在案是誠洞悉其中利弊知分船之必不可行而公僉之爲善政也茲因萍丁復又詳請船歸各縣奉文飭查卑職隨拘集各丁令其公議奈旗丁紛紛呈控歷叙分船悞漕之害有三累軍之苦有三以爲循例均搭易于承造更張則疲丁必致失悞且云分宜並未分運仍屬四縣公僉所開帮丁名次歷有案據故爾衆丁嘵嘵各不允服卑職以新任視事念屬漕糧關係考成懇乞憲臺轉詳糧憲俯念 國漕重大仍照往例四縣公僉貧富品搭則官丁感戴無旣矣今據前情合無申請憲臺俯賜銷差轉詳爲此備由另具書冊一併具申伏乞照詳施行府批仰候彙詳繳

署袁州府正堂兼攝本府軍捕廳事戴轉詳糧憲看語查看得四縣公僉品搭舊例現在遵行今若分丁分船恐致貽悞漕運卑職署理未久未敢擅便合就據文詳請憲臺批奪轉詳漕運有賴卑職亦感戴無涯矣爲此備由同書冊一併具申伏乞照詳施行糧憲批仰候核詳繳

江西等處承宣布政使司督糧道參議白申詳巡撫都院李看語查得每衛軍丁有貧富多寡之不齊使多且富者歸于一縣則此外寥寥貧單作何承應勢必逃亾悞漕公

私交累故袁州宜春等四縣合爲一哀多益寡富貧相配
公僉公運各無偏枯相循已久從無違悞是舊例當循無
事紛更以悞重運者也再查分宜之丁亦非自運分宜之
船此拆彼帮現在互相配搭相應照該廳所議率由舊章
之爲公且便矣至於每年各縣赴郡會僉其中不無耽延
時日各爲己邑牽混情弊合無仰請憲臺嚴飭嗣後到郡
會僉各宜公慎務使衆寡適均富貧合一則闔郡軍丁均
沐憲恩于無旣矣其萍鄉縣呈詳分船造運之請似應毋
庸置議照奉前因合就詳覆是否允協伏候憲臺批奪以
便轉飭遵照巡撫江西等處地方兼理軍務都察院右副
都御史李批袁州衛漕船既據該道查明公僉公運各無
偏枯如詳轉飭循照舊例各爲遵守毋得紛更仍飭嗣後
會僉造運務宜公慎敢有賣富差貧衆丁不均等弊察出
卽將廳縣悞漕職名揭報以憑題參繳康熙四十三年九
月二十六日

禁營船案

巡撫江西都察院郎爲知照事據該縣呈詳懇乞轉詳等
事由到都院據此除批發按察司查議報繳外合檄行知
爲此仰宜春縣官吏知照施行須票康熙四十六年十一
月十七日

袁州府正堂葛爲額禁營船騷擾等事本年九月十七日奉按察使司票內康熙四十七年九月初三日奉巡撫都察院郎批本司會同驛鹽道呈詳營兵鄧世俊等攔阻民船一案緣由奉批船戶吳明初等塘兵鄧世俊等如詳分別枷責發落所給營票查追銷燬嗣後如有刁頑船戶再敢買票冒營生事及地方官需用船隻不照民間平價僱覓派差封捉查實定將官弁一併察究其從前分發哨船照議移查詳奪繳等因奉此爲照此案前據該府審詳到司就經會核轉詳去後奉批前因除移袁臨協鎮脩復哨船并將塘兵鄧世俊李奉奇等責儆並移駙鹽道處合就

抄看繳行備票行府即將船戶吳明初金海如照議枷責發落各縣奸民其所領營票查追銷燬嗣後如有刁頑船戶敢再買票紅抹船頭在于河干攬載立即查拿解究以憑按法重處倘地方官需用船隻不照民間平價僱覓派差封捉該府亦據實查揭詳叅仍嚴飭屬縣一體遵照取具發落燬票緣由同各縣遵依報查毋違等因奉此合就抄看繳知爲此仰縣官吏照票事理文到即將船戶吳明初金海如併一切船戶領過營票者盡行查追銷燬嗣後如有刁頑船戶敢再買票紅抹船頭在于河干攬載立即查拿解究以憑按法重處倘該縣需有船隻不照民間平

價僱覓派差封捉或被訪聞告發定行詳揭請察仍將追燬緣由同該縣遵依四本報查以憑轉繳毋違速速康熙四十七年九月二十日

袁州府正堂葛爲移明事九月二十七日准署袁協中軍楊移會內開案奉本協鎮左都督曹檄行爲額禁營船等事案內將協營應差船隻所給照票盡行追燬移送緣由到府除現在飭令隊目將協營應差船隻從前所給照票概行收回銷燬外所有船隻合亟移送爲此備移前詣貴府希將移來徽饒船胡君明等二十九隻併本地尖頭船方得勝等一十三隻理合移送貴府煩請查照施行等因

准此合就檄發爲此仰縣官吏照票事理支到即將發來船隻查照粘單內開船戶胡君明方得勝等船共四十二隻立即發給船牌收埠應差仍照時價僱給并取各船戶遵依具文繳府查核毋違速速須票康熙四十七年十月十二日

袁州府正堂葛爲額禁營船騷擾等事十月十六日奉按察司傅憲票內開案照營兵鄧世俊等攔阻民船一案詳奉撫都院批示轉行該府遵照發落取具遵行緣由呈報在案合發一催備票行府查照前奉院批及今催事理即將船戶吳明初金海如照議發落各縣奸民所領營票盡

行查追銷燬取具發落燬票緣由同各縣遵依卽日呈報毋得抗延速速等因奉此合再嚴催爲此仰縣官吏照票事理卽便查照原行該縣倘有奸民所領營票盡行查追銷燬仍卽出具燬票緣由遵依四本卽日申繳本府以憑轉繳毋違康熙四十七年十月十八日

清理江西漕務奏議

乾隆二十三年三月十六日本省巡撫阿思哈爲江省軍戶貧疲丁田不清亟應清理以資漕運事奉

硃批該部速議具奏欽此隨經部覆奉

旨允行所有原奏三條部議開載於後

一脫漏殷丁應查出歸戶以備僉選也據該撫奏稱自雍正年間軍戶與民戶一體編審數年以來軍丁視爲畏途狡黠者潛匿脫避疲丁力乏止憑戶族開報費用缺乏長途重運必致掣肘請將九江南昌等衛坐落德化等二十四縣軍丁專委南康府同知顧錫鬯會同該印官查辦吉安贛州等衛坐落廬陵等三十二縣軍丁專委建昌府同知方應元會同查辦撫饒二所坐落江南建德東流二縣屯田并軍丁各衛膳濟屯田事屬隔省請委廣信府同知丁炎攜帶老冊會同地方官將丁口確實編審逐一清冊毋許脫漏隱匿後酌定四年一次

編查等語查漕船出運全賴丁力江省自將編丁由衛所改歸州縣以來各丁住居星散且與民戶一體編審造冊易於混淆以致殷實丁戶串通舞弊影射脫漏而貧疲帮丁按戶僉差息肩無日殷實者少而貧者愈見匱乏一遇出運之年費用必致虧缺沿途兵役勾通串賣在所不免若不挨戶清查必致漕務有悞應如該撫所請將九江南昌等衛逐一清查但軍屯地方遼濶查造紛繁應令該撫責成各委員及地方官務將屯田坐落地土造具清查併將老戶及新生軍丁戶口徹底清查不得草率使胥吏跟役復勾通殷戶脫漏隱匿限一年半趕辦完竣屯田丁戶仍復糧道衙門督察如有閃漏卽分別議處嗣後四年一次編查俱照此辦理

一屯田有無遺漏及私行典賣應令委員一併根查也據該撫奏稱屯田起自明初康熙年間歷經清查按船分給隱漏典賣者亦經陸續查出歸軍造冊咨部並定有軍田典賣回贖之例遵行在案當日清查或有未盡未實且各屯又與民田相錯個人業主保無私相勾串售賣及移坵換段情弊應請交所委同知顧錫鬯等按照丁地攜帶老冊預期曉諭令將私相典賣悉行首明仿照直隸回贖旗地之例按畝查對立法回贖註明現管

佃名繪圖造冊分送糧道督率稽查俾運丁養膳有資辦公不致貽累等語查康熙年間清查屯地將原有地畝悉行查出并定以回贖之例原以杜絕民屯私相典賣俾其生計充裕得以濟運庶辦公不致拮据今日久弊生丁田民地坵坵毗連或暗中私行典賣或違例互相移換誠宜亟爲清理卽如直隸旂地一經設法根查卽將民典旂地概行查出今該撫請交委員將所有屯田按分查軍丁州縣照冊查明諭令回贖自應逐一詳細清釐以杜隱占其歷年旣久老冊所載地畝坐落甚多恐有不肖民丁仍有影射漏匿之弊其如何按丁地

清查及設法回贖之處亦令該撫明切指示委員等妥協辦理

一 墾熟屯田之折租應請量增以培貧丁出運之用也據該撫奏稱軍屯田租自應隨時增減軍田均平以收實惠查乾隆十九年間據前道劉堯裔議詳以吉安建昌二所屯田歷係佃戶耕種折租交納每租一石僅折銀二錢四分及二錢六分又除完賦之外該丁每畝止得租銀一錢二三分此項屯租折價相沿日久佃戶享利已多未有加增以致軍丁辦用拮据軍佃相形偏枯實甚先經酌議將吉安所折租一石酌定四錢八分建昌

所每租一石酌定四錢佃戶俱已樂從具遵依詳經前
漕臣具題格於部駁未經准行請飭令地方官傳齊丁
佃取具甘結會題辦理等語查各軍屯田有離本軍住
居窳遠勢不能自行耕種所有召佃收租解庫給發原
以資軍贍運其按租折價由於始佃之時戶少田賤照
時定折期於軍佃兩無所虧近年生齒日繁穀價漸增
每石一兩內外至五六七錢不等軍丁辦運食物昂貴
未免艱難舊徵租額多有不敷所有建昌吉安二所該
丁每畝只得租銀一錢二三分之處自應酌量加增至
各佃完租每石止折價二錢四分六分不等是數斗穀
價即可完擔石租銀亦覺偏枯從前漕臣既經題請將
吉安所折租每石酌定四錢八分建昌所每租一石酌
定四錢佃戶俱已樂從自可隨時酌辦應如該撫所請
准其加增但各佃租額既經加增則平色等項又必浮
於所加之外雖已取具遵依是否實出情愿茲無抑勒
情弊應令該撫嚴飭地方官實心辦理毋致胥役滋擾
庶於軍佃兩有裨益乾隆二十三年四月初八日奉

硃批依議速行欽此

順治十一年袁衛妄拔遠軍平民案

袁州府宜分萍萬四縣舉貢生員等呈爲臧制編軍欺

國陷民懇乞鏡燭私謀斧劈禍本事遠近二軍原自迥別
有本衛軍戶隸役袁伍積享屯利應當運差有各縣軍籍
因祖遠戍或同戶或同姓或里絕而歸甲或甲絕而歸里
隨緣軍以民籍自耕民田戶充團里應當民差彼地銷乏
勾充補伍故籍雖名軍戶役各異歷來定制亘古不易矣
今袁州衛蠹賄同衛弁朱華英吮遍衛內秘計網民假借
濟漕重務捏稱班軍名色誑聳糧憲妄扯四縣遠軍帮造
不思袁衛額軍六千五百餘戶坐享本衛額屯一萬八千
有奇不當民差止充造運典例昭然己丑年間衛弁宋勳
謬爲移遠就近之議生端扳害控之府道感本府老爺自

思版籍載在樞部豈敢任意加增詳文確報蒙前撫憲朱
老爺批軍民各當其差彼此兩不相涉未敢遞變舊章之
語憲案炳若日星舊制屹如山嶽况彼運軍世享屯田籽
粒遠衛未分寸壤何得謂之窮丁蟻等世當民差世補遠
伍何得謂之閑軍倘遭誣陷見今民戶何人當役異日勾
補何人承克且四縣軍籍千有餘家祖宗因罪發遣遠戍
于彼子孫本地無辜又復承戍於此 朝廷有此令甲乎
若謂編定本地然後行文知會開銷彼軍是在外者止克
一身之軍而在本地則遣全家之戍矣且有從卒伍立功
陞職有從戰陣身歿開除而版章未敢變亂仍存軍籍之

名者若如袁衛之詞是不盡塗人而爲軍不止也悖勾補
之世憲滋紛更之弊數快數人之賄賂陷億萬之生靈憲
臺宣化 國政安集民生燭阱民之僉冊究害衆之衛梟
立碑永禁庶潛軍不得假僉造而興騙詐之端衛弁不得
借漕運而行蠶害之計矣爲此具呈糧道王批袁民間克
外省之軍子孫在袁依然本土民戶原非明季赴京做工
班軍之比卽漕臺疏列班軍兩字蓋就本衛現應班軍而
言非就本土軍裔爲言也年來袁伍十分凋殘六千餘丁
消磨止存一百有奇言之真可泣然衛弁情急無奈不得
已爲壑隣之計獨不思如許苦差豈累軍不足而重累吾
民乎本道又何忍以湯火之餘而強置補造之弊耶業經
出示曉戢并牌行該府仰速爲查飭仍出告示通曉四邑
使宜分萍萬之民俱悉本道凋瘵念切可也速速報糧道
周批仰袁州府從公確查毋致枉縱速報撫部院蔡批班
軍領造各省從無比例何得恣意紛更仰督糧道速查報
繳

袁州府理刑廳王申詳看語看得袁民之隸于軍籍者皆
其祖父荷戈于各省而其家族編民于本地因祖父之戶
名而謂之軍籍也異省之子孫故絕則移文本地勾本家
之民以克彼衛之伍若袁衛又皆其祖父由外省而遣戍

于此者也版籍昭然軍民不紊且有軍卽有屯額屯以養軍僉造僉運是其分內事若軍籍之民世克民差在本地當里遞當夫馬歷來不異焉知其族屬當班于異省而爲軍者又不苦于造苦于運乎乃衛弁與積蠹不審夫事之利害與否初猶蠶食夫彼同衛之殷實者耳今則殆猶禦人于國中也向年捏爲移遠就近之議申詳上臺蒙批嚴禁在案今又改爲班軍名色朦朧混申蓋欲借軍需之重務而陷億萬之生靈以恣其魚肉五刑之屬失出失入有一者罪罪之而况驅順則之民編爲有罪之軍乎漕運雖云孔亟無故而推民于水火

聖朝所不忍也况彼爲世軍免爰物外此爲世民雉罹局中豈理也法也哉且袁衛多一軍戶則袁郡少一民差現有差徭又誰爲承克各省勾補又誰爲頂替耶向來一二奸弁屢議屢寢不意衛弁婪胥利欲迷心此番敢于作俑如此也袁民隸于軍籍者皇皇無措惟有環泣轅門與職雖權非軍政而職叨佐理袁民剝膚之慘皆職切膚之痛也伏乞憲臺大賜主持立劈奸謀救此瘡痍嚴飭該府立碑嚴禁永垂不朽功德無涯糧道王批軍裔之民斷難本土重派軍差在衛弁不得已而巧爲節差之計自爲則善如民命何本道斷不爲害民之偏業經牌示行府並飭矣據

詳鑿鑿敷陳最切仰府併查通飭繳糧道周批袁民之在軍籍向來有無額屯贍養仰府卽將弁職冊籍確查速議具覆以憑轉詳繳本府吳申詳看語看得袁衛軍伍額軍也現克軍差編氓之軍籍不過因祖宗間遣遠遠其子孫雖籍以軍名實現克民差由是觀之軍差民差兩不相涉茲蒙憲諭查袁民軍籍有無額屯贍養伏按袁雖荒蕪實甚而屯田歷久相沿至袁民之隸于軍籍者實克民差並無尺寸屯田可以贍養所不得與該衛之屯軍同年而語也伏查衛軍舊額六千五百有零至庚寅年僉點連老幼止存一百九十丁迄今又逃亡死喪相繼止一百餘丁鳩

形鵠面領造維艱此衛弁朱華英以移遠就近具呈控憲但知自爲之策而竟忘其爲池魚之殃也切思衛軍之凋殘固可恤而平民之懼雉尤可憐卑職前有寬恩之請方擬卹額憲恩今蒙憲臺垂憫殘黎俯允確查議覆以甦軍困以救民生此出自憲臺挽回之力浩蕩之仁非卑職所敢擅便也爲此合備前由另具書冊并申伏乞照詳施行隨奉督理江西稅糧事務布政使司叅政王告示爲嚴禁濶僉以杜騷擾以安民生事照得軍民各有徃差未可混越查得袁衛軍丁自明季間發到衛歷今二百餘年承值軍差造運乃其本分邇來變亂頻仍丁戶多殘寥寥煢楚

爲苦日甚本道節奉漕部院憲檄補造急踰星火需丁甚
亟行府行衛僉選殷實或朋或造酌量報奪本道深恤軍
艱每思拯濟之方苦無別法因于部價之外懇請底銀一
項以補百分之一區區此心想爾屯丁亦能洞見近聞衛
弁乘此僉造恣意賣富僉貧又恐僉選不繼乃借漕部院
疏內班軍字樣別生枝節欲於袁郡土人同于明初偶犯
問發別省各軍之家比照本衛之例勾其子孫以克新造
不知各縣所存軍冊原備問遣各衛勾補軍丁之計非預
爲今日代抵袁衛屯丁造運之計也今日軍冊所在子他
衛則爲軍在袁郡各縣則爲民此事一言可明况一戶無
兩地當軍之理祖孫無兩朝互軍之差恐衛員借端朦朧
衛丁昧心妄扳徒多許訟之因無濟成造之實又祇供無
賴衛弁醉飽一資耳合行嚴飭爲此示仰衛軍人等知悉
嗣後僉丁只從袁衛僉選其土人問發他衛克軍者子孫
在袁原屬平民何得妄擾軍民俱係本道赤子本道極意
憐軍亦斷不肯虐民以自快也今爾等各體本道軫念深
心其屯軍有力難獨運不妨赴道詳稟或酌量朋名以竣
漕局其土軍各戶悉爾等桑梓非親卽故何得喪心牽扯
徒恣騷擾倘有故違不遵本道定行拿治軍法各宜凜慎
毋致身嘗也慎之速速特示

前志原按軍裔僉運之謀萬一混行袁民一路哭矣邑
侯王公力諍之方張之時郡守吳公正告之行查之日
仁言大力使數千家生靈不陷溝壑四方之阱者利溥
哉抑匹夫難奪焉知此舉果行彼蚩蚩者痛念身家急
而走險又何所不至安全上下大臣爲 國消弭長慮
卽此可見與潁川渤海爭烈矣

康熙六年袁衛何祖仇叛民戶盧潮案

康熙六年屯軍何祖藉縣冊遠衛盧佑名字仇告民戶盧
潮戶丁子陵帮造軍廳夏未蒙廉察遂行僉造後盧潮戶
丁子陵等狀控部院董糧憲韓批發袁州府查審分別軍

民府憲李轉發宜春縣陸會同袁州衛署印千總陳當堂
會審拘集何祖盧子陵並喚鄉耆里遞隣佑兩造嚴訊會
看得盧佑委係洪武年間調撥湖廣彝陵州守禦先朝勾
補無存盧潮係明初編克宜春縣石外鄉大上畝二甲里
長世克民差載在縣冊三百餘年與袁衛絕不相涉復細
閱衛軍額冊不但無盧佑其名並無盧其姓者推鞠之下
何祖自供仇誣無辭縣衛會詳覆府蒙府憲李覆加研審
詢鄉耆里遞吊查縣衛兩冊縣冊有遠衛盧佑之名衛冊
果無盧其姓者何祖情難自諱親供仇誣審詳解道釋豁
詳院奉督糧道批遠衛叛害久經詳釋仰府出示嚴飭盧

湖仍克民差不許復累取具遵依報繳憲案如山軍民各別由是盧潮獲安故業克當民差而遠戍之民戶與袁衛之運軍絕不相涉較若列眉矣隨蒙督糧道韓准呈批發給示招回盧姓復業宜春縣爲懇賞示禁飭招撫復業事奉本府信票前事轉奉督理江西通省稅糧事務布政使司叅政韓批據宜春縣生員盧聲狀訴前事詞稱袁屬遠衛後裔均係民戶屢遭袁衛屯軍牽告被害民不聊生相率流移幸蒙憲臺軫念民瘼詳院豁免僉造凡屬遠衛民戶重歸故土咸樂有家切生上世遠支盧佑係明初遣戍湖廣夔陵守禦先朝勾補無存縣冊森炳生支盧潮世係

宜春縣石外鄉二甲民戶載在黃冊歷年數百從無混淆禍因康熙六年遭袁衛屯軍何祖戶丁何球強砍盧子陵墳樹拂愁遂藉遠戍盧佑之名牽告子陵稱造前任軍廳夏黨軍偏聽勒押領料合族無奈勢逼揭債完船棄家遠竄田地拋荒錢糧拖逋舊歲蒙府縣仰體憲心宣布德意曉諭遠衛免造招撫歸來同沾化澤並行縣衛會審里遞耆隣吊冊磨勘生族委係民戶隨經袁州衛署邱陳千總申覆衛冊從無盧姓字樣盧潮實係遠衛民戶理應撥僉屯丁會推七等朋名曾黃張接頂承運詳府轉詳大憲蒙批准如詳以會推七等接頂其盧潮俟招回與何祖質明

結案生等風聞憲諭赴府投訴行縣拘集原告何祖戶丁何球同生當堂研審併將縣衛兩冊磨對遠戍盧佑載在縣冊民戶其衛冊並無姓盧之丁何祖良心未泯伏辜無辭具詳憲臺批豁在卷生思前冤既釋後禍難防四月內奔控憲臺俯乞覆審杜後蒙准行府縣又奉府縣拘同何球自認仇扳親供誣告是實詳覆憲臺又蒙憲批准詳釋豁存案痛生世本良民驀以軍害遠逃田地荒蕪屋舍倒塌流離數載客死暴骨迄蒙憲臺批豁未奉鈞示撫飭雖感恩而思故鄉又畏縮而不敢前驚弋餘生搖搖靡定冒死再叩懇乞恩全始終給示招撫復業禁飭杜後俾合族重歸故土永作籍民憲臺再造洪恩子孫頂祝無窮等情具狀前赴糧憲訴准奉批遠衛牽累久經詳釋仰袁州府給示招撫繳等因批發到府抄詞轉行到縣奉此合就給示曉諭爲此仰該地村里及盧姓親友人等知悉速即招回盧姓合族民人迅歸故土樂業開墾田土修葺屋舍仍克民差毋得畏縮不前有負各上臺招撫之至意也須至示者康熙十一年十一月二十六日示

康熙九年各憲審豁易炤一是民非軍案

宜春縣知縣陸看得軍民攸別載在版籍軍固不得脫而爲民民亦不得冒而爲軍展冊瞭然無俟推求袁衛軍丁

易彬卽易信六報告易炤一爲軍一案發審會訊幾及三載因炤一一人而致通族遠竄言之不勝酸鼻而易炤一已作異域之鬼今奉嚴催速結遵拘易信六及現在易希旦併炤一胞弟炤七與同酋隣彭祥等當堂質訊據信六供稱始告炤一一人耳以縣册令其自行查對亦供稱炤一一是民非軍及訊其報告之由則俛首茫然自失嗚呼以私怨害人令人家破人亡信六之老奸誅之不可勝誅矣事越三載案牘盈几易炤一之是民版籍昭然肯隣之供結合口無異憲件難以久稽合將審過情由連人招解候憲臺親審定奪以豁沉寃以清積牘可也府正堂李疊據

縣詳查其軍民兩册易炤一實係民籍班班可攷事經三載不敢遲延今據縣審信六與炤七對質而信六自供炤一等是民非軍因索田價未遂昧心妄扳今據縣詳一干人犯前來合就據實詳報惟候憲臺照詳施行非臬府所敢擅便者也

建昌府正堂高臨江府正堂王

會審看得軍民以籍爲定猶

黑白之不相淆也宜春縣化北鄉之易炤一原隸民籍載在黃册班班可考未有更改何軍戶易彬戶丁易信六以遠年父手所賣之田索找于炤一未遂其慾輒指炤一爲軍強承造運而易姓一十八戶懼其連累相率潛迯展轉累斃聞之心惻先據袁州府審詳蒙駁職等復訊隨據肯

隣等之供稱考之軍黃二冊則炤一果係民籍已無疑議
卽信六自供因找田價扳告炤一一人等語是信六之良
心不泯益徵炤一非軍反復推訊實無遁情安可以信六
之妄扳而紊數百年之版籍耶炤一等果非軍戶合歸民
籍當差而易信六以小嫌妄行扳累變亂版籍律有正條
但在

赦前姑免議其易姓一十八戶招徠復業是在憲臺綏輯非
職等所可預干也糧憲韓據此易彬卽信六扳告易炤一
爲軍乃三載不結之案也其間是軍是民惟有軍黃二冊
可憑旨隣之質供爲據耳本道恐有別故駁批建昌臨江

二府會審詳來亦稱黃冊止有戶丁易炤一等又查衛冊
易彬止有信三信五信六三名在冊並無炤一一家族姓名
等語則炤一等確屬民籍又不彰明較著耶易姓通族懼
避勾緝三載累斃多命皆易彬之刁訟一紙有以陷之也
若非仰沐撫憲勞來之仁招歸故里不爲軍船無補并其
民版亦脫瀾矣已經水落石出易信六扳詞涉虛法當反
坐但事在

赦前相應免議惟候本司裁奪藩憲劉本司查得軍民分別
全以冊籍爲憑載在版圖毋容混淆者也查易彬卽易信
六係袁州衛軍而易炤一等係袁州宜春縣民籍因崇正

八年韶一之父買信六之父民田二畝八分挾求找銀未遂妄指同族前官未與分辨勒令承造累斃多命以致易族俱逃田土拋荒今准糧道咨覆據府縣查明黃冊而易韶一歷克星役而衛冊易彬戶下止有戶丁易信三信五信六三名在冊並無易韶一等家族姓名糧道又復批發建臨二府會審並黃冊衛冊與前審是民無異咨覆前來易韶一等是民非軍鑿鑿有據而軍戶易彬戶丁信六刁訟害民累斃多命律法之所不容者也既經糧道咨移事在

赦前相應免議應否伏冀憲裁易韶一已經審實民籍則所

造漕船應行糧道責令袁州府廳另簽軍戶頂運奉部院董批易信六板民爲軍情殊可惡本應按律重究念事在赦前如詳援宥但易韶一等既係民籍何以當日簽報之官不行確查妄聽刁板責令領造殊屬朦混仰司嚴行申飭其所造漕船仍卽移糧道另行簽軍頂運繳

康熙十九年十二月袁衛旗丁等狀訴督糧道妄引信會二縣幫造事例拔害遠衛又引建昌所酌派四縣協濟運費案

袁州衛伸訴連名旗丁彭廣昌文鍾秀孫銘高陳祖等爲袁州逃亡殆盡俯乞權宜救恤以全漕運事竊惟事至窮

宜者集元 卷三
極當思通權達變居今追古猶須因時制宜袁衛明初額
單九千餘戶運船一百一十隻蓋有如是之戶丁因派如
是之運船也然至明末以迫

國朝鼎定磨累凋殘則僅存一百九十六戶已蒙各上臺
題請裁去船三十七隻額載七十三隻迨康熙十三年復
遭楚氛變亂棚寇猖狂死於鋒鏑死於凍餒并散於東迤
西竄現奉文編審又止存一百二十餘戶矣四縣編審丁
册斑斑可攷循照古制一旗九散止堪運船一十餘隻若
以一百二十餘戶之丁堅執舊額責運額軍六千餘戶之
船其不盡驅於逃亡者幾希所望於權宜救恤以全漕運

者誠汲汲也而贛衛之凋殘業蒙權酌僉出信豐會昌二
所之丁各帮造一十五船共足原額漕船之數矣再建昌
所之消乏業蒙權酌五縣共派協濟以勦造運矣袁衛殘
廢之極雖亦荷各上憲垂憐洞悉然終抱向隅之泣未蒙
撫救之全歐黃班軍丁繁富盛雖隸遠衛並無遠衛之差
同屬軍丁勞逸迥殊理宜僉出其帮運務卽不然援建昌
所之例酌撥袁屬四縣民糧量出協濟稍資運費亦爲通
權制宜甦軍裕儲之着舍此二者而徒責一二見在之丁
獨肩重任斃斃予遺其何以堪勢必盡歸逃亡將一衛之
糧船盡爲廢卒情激水火自懇憲臺大施惻隱甦救殘軍

或照信豐會昌二縣之例僉出遠衛班軍同勞共濟或照建昌所酌派四縣協濟運費以甦賠累之苦庶漕務有裨殘丁免於逃亡陰德萬代子孫啣結望光上訴康熙二十年二月初六日奉本府督軍總捕廳楊憲票前事二月初三日准本府關文內開十二月二十二日奉督糧道李批據袁州衛伸訴連名狀旗丁彭廣昌文鍾秀孫銘高等狀訴前事奉批仰袁州府會同軍廳確查速報等因奉此合就抄詞移會備關移廳希將袁州衛旗丁彭廣昌等所呈歐黃班軍查明果否袁衛額軍應否僉出帮運至於援照建昌所之例酌派民糧協濟運費是否可行祈卽檄行各

縣確查妥議務期輿情允愜仍煩貴廳議妥核覆過府以憑再酌轉詳定奪等因准此合亟抄詞轉行查議爲此仰縣官吏照票事理卽將袁州衛旗丁彭廣昌等所呈歐黃班軍查明果否袁州衛額軍應否僉出帮運至於援照建昌所之例酌派民糧協濟運費是否可行逐一秉公查議務期輿情允愜妥確具詳本廳查核以憑移會本府酌詳定奪等因在案廿二年三月二十六日據闔邑鄉紳潘于達舉人袁一菁等貢監劉增袁克生陳舜道等生員潘士丰梁元植方直等耆民胡姚祚何文英等公呈爲殘黎正賦維艱勢難協濟旗丁俯乞懇切轉詳以協輿情事竊惟

民之疾苦莫甚於宜邑數年以來屠戮於棚寇流離於田
荒屋燬樵悴於夫征雜徭今之存者皆鋒鏑餘生田在草
間而賦難邀減身多露處而腹不克饑可謂三空四盡捉
衿露肘之極者矣方今旗丁凋殘何以異焉且軍民分籍
各任差徭民不以累軍軍不以累民從古迄今未有更張
令甲森嚴申飭有案遡自康熙十二年間旗丁張保等有
援例甦軍之控計圖民糧幫貼前任糧憲行府查議蒙前
任李公祖洞鑒四縣里民苦情轉文詳覆內稱衛運丁張
保等所告援例協濟求給造運僱募銀兩派諸民間一案
奉憲檄行查議隨即移行廳縣查議詳報今據各縣詳稱

查無成例可援等因事屬創始關係甚大合就具文詳覆
隨奉糧憲韓批幫貼之名即屬私派不便轉詳俾府暫行
銷案繳現今文案森存旗丁彭廣昌等不思從前援例之
失復欲比例建昌再圖協濟豈知民糧止有常額據彼所
謂協濟者將取之于額內則上虧國賦將取之于額外則
私派違

旨如上憲所稱務協輿情之語則落落難合矣况袁衛旗丁
修造船隻不過領解他郡漕米賦役全書編定本縣隨漕
銀兩起解糧憲給發運軍月糧又安容覆議加派伏懇老
父臺軫念殘黎切膚之痛詳照前任公祖父母查覆之案

立賜轉詳絕其無名妄想庶使甫集哀鴻得安樂土新巢
乳燕不入網羅將世世頌仁德於不謏矣至所告遠衛歐
黃班軍比例於信豐會昌二所在遠衛諸民自當赴控不
便代伸為此具呈須至呈者知縣王批准詳覆二十一年
正月十八日連名伸訴狀人易保弟樂仲貴夏茂華周重
六等為衛軍疊肆妄扳俯乞電查歷案賞詳杜害止激安
民事竊惟軍差民籍各有區別袁軍隸衛原額六千五百
戶食屯一萬八千有奇僉造領運分所當然自明初三百
年來從無紊亂及至順治六年衛弁宋勳謬陳移遠就近
之說欲扯袁屬四縣之民幫造業蒙前任府憲朱將遠近

情由剖晰明白具詳糧憲轉詳前任巡撫夏批示禁飭在
案順治十一年復遭衛弁朱華英巧借班軍名色混呈糧
憲牌行本府清查復蒙府憲吳會同刑廳王查無班軍賞
文轉詳奉前任巡撫蔡飭行糧憲給示永禁并將該弁軍
政列欵糾叅載在府誌現存可考康熙四年屯丁傅生侯
李秀詭將李袁生等名妄扳信會班軍事例掣控前巡撫
部院今陞總督董批行糧憲取冊僉造蟻等士民周重六
等具將刁軍滅制藐案裁陷等事赴院訴准並批糧憲轉
行本府隨蒙府憲李會同軍刑二廳行縣取冊查審並無
班軍姓名並提到屯丁傅生侯等對質亦無班軍可指業

蒙詳覆糧憲程詳奉巡撫董批查江西省衛所承造領運
皆係屯軍蓋屯軍原領屯田已享屯利造運之役誼所難
辭而周重六等既非袁衛之軍又未食袁之屯李袁生等
何得牽告帮造仰督糧道嚴行禁絕仍將爲首之李袁生
重責示儆繳等因批道轉行到府禁飭在案煌煌憲批炳
若日星詎意案墨未乾詭計復熾今又突遭運丁復援信
會事例妄入條呈誑聳上憲奉批查報切思信會二縣之
班軍原係贛衛食屯領運之軍因贛屬地方遼濶未設營
鎮分一半爲防禦留一半爲承運迨後

鼎定仍行撤回造運以本衛之軍而充本衛之差子歸母

差理當情安熾等戶雖名曰遠衛但當日克軍之人携妻
挈子遠戍外省邊衛傳襲後裔隸衛他方並未撤回在宜
邑原籍爲民者世耕民田世克民差且自傍支遠祖戍邊
以來至今三百餘年十遞九亾或以朋戶頂克或以共姓
編補或里絕而歸甲或甲絕而歸里雖有遠軍之籍多屬
遠衛傍支後裔卽曰冊載遠衛戶名亦係彼時預防遠軍
逃回故爾虛懸在冊年復一年未有抹除則與信會事例
大相懸殊况今袁衛運軍止供造運一事宜邑一應差徭
毫無干涉熾等自甲寅年寇亂以來王師進勦恢復楚
蜀滇黔以及東西兩粵一切夫役軍需送往迎來悉屬熾

民効力供應可憐磨貧徹骨死難求生時已昇平稍獲甦息祇望墾種樂業孰意甫離湯火又遭袁軍拔害且今宜邑民戶逃絕過半現奉編審尙且均補不及若不賞詳杜除禍患流離勢所難免將來地曠民稀是

國家未獲

一艘之利而宜邑難免有土無民之嗟矣且陳哀懇憲臺垂憐民瘼電查歷案賞文詳豁杜絕拔害斬斷葛藤庶老者免填溝壑少壯免致流移德勝編橋子孫啣結世世頂祝上訴知縣王批准詳宜春縣王光烈爲袁丁逃亡殆盡懇乞權宜救恤以全漕運事康熙二十一年三月二十九日奉本府正堂兼攝軍捕廳事于憲稟前事查議等因奉

此卑職凜遵憲檄傳集各鄉紳士民人等查議隨據鄉紳潘于達舉人袁一菁等貢監劉增袁克生陳舜道等生員潘士丰劉幼發方直梁元植等耆民胡姚祥何文英徐應鵬等公呈又據易保弟樂仲貴夏茂華周重六等連名伸訴在案據此看得袁衛屢告班軍一案原爲明末以來袁郡屢遭兵火之後逃亡殆盡十戶九空因修造惟艱而疲軍難以久運屢控各憲以信會事例可援欲扯民丁幫貼不思信會二所之軍原屬贛衛分派又將屯田分撥耕膳以屯軍而享屯田所以有幫造頂運之責固所難辭而袁郡從未有分來他衛之軍安得混扯民丁是流毒于民也

衛軍既以班軍名色而牽害宜民又不思宜邑遠軍乃歷朝以來或有罪犯軍流他郡彼時携妻帶子而克他衛屯軍現存宜邑不過其人親派是以有遠軍之名也况連年以來如落湯火人民故絕此各憲所洞悉者也或有同鄉併爲一戶或有同族併爲一戶俱係遠衛旁枝與信會事例豈可同日而言而衛軍不查來歷混以班軍名色信會爲例疊控疊扳紊亂版籍是以有限之殘黎而供無窮之餽衛必致流移故土迯散他方是 國家未獲一艘之軍糧先失千百戶之民役也况軍北運一年而享屯田一年之利况有頂替幫造之同戶輪流值役何似邑民耕一年

之田而有正祿銀米賦稅差徭若以衛軍較之何止數倍今衛軍因修造艱難而牽民丁幫貼不思節年民瘼復向誰言似此流毒地方混亂 國法若非憲威併詳撫憲嚴提究治永行禁革使合邑之窮民無所告矣今據合邑公呈原奉查議事理卑職未敢擅便伏乞憲裁定奪爲此備述前由另具書冊一併具申伏乞照詳施行須至申者康熙二十一年四月二十九日奉本府正堂兼攝軍捕廳事于批仰候關復本府詳奪可也二十一年邑侯王奉軍捕廳楊府憲于督糧道李巡撫部院佟轉奉總督江南江西部院于爲嚴禁軍丁扳害以安民生事照得軍家民戶版

籍各殊各當各差難容扳累近訪得江右旗丁藉軍欺民強悍莫遏每於承造運船之時動輒妄扳民戶遇一同姓殷懦之民捏稱已族餘丁控告藉運見一成材樹木藉口大造價買肆行砍伐甚而兜攬民戶妄稱軍籍猶有久死故絕之軍架砌現在重重索詐不饜不休蓋緣軍以漕運爲名民有含冤莫愬卽間有告發而不肖有司朦朧審斷涇渭不分或守令審斷明白因係軍民爭控之事申詳該道又復駁詰翻案庇縱養奸以致民害不除軍勢日熾殊堪痛恨合行嚴禁備票仰道卽便嚴行各屬如有前項旗丁不遵法紀扳害小民等弊星速查拿申解以憑盡法究

處該道一面通行勒石嚴禁毋得仍前庇縱養害殃民仍將該道遵行并取各屬勒石嚴禁各緣由具文報查毋違并奉本部院硃批本部院先任黃軍廳時每遇此等事件或係自理或奉上批執法嚴究蘄黃軍丁雖素稱強悍凜不敢犯嗣後軍民相安再無煩擾之害請該道其留意焉竝望等因到道行府廳仰縣奉此就經關移袁州衛嚴飭該幫軍丁凜遵憲禁外合就勒石曉諭以後該伍軍丁俱各恪守禁諭倘有前項旗丁不遵法紀藉以造運扳害小民等弊立即差拿解究斷不姑寬各宜永遠凜遵毋得故違須至碑者知縣王光烈遵勒石碑樹縣儀門之左

前志原按袁衛所告班軍一案匪伊朝夕詳查袁衛之軍原屬元末偽將歐祥及黃彬擁兵踞袁洪武辛丑納款內附因設衛所統轄分給屯田耕種俾食其租以長子孫歲僉漕船大者領運小者帮造載在令甲籍分衛册不同民版是名運軍又查遠衛原係當年遠祖以罪犯遣戍外所因名之曰遠衛其子孫在袁土者世當民差與袁衛毫無相涉但其册編軍籍者原爲遠方衛所恐戶丁俱絕以備勾補故籍以軍名遠衛得而勾之人同民籍袁衛不得而拔之也緣自明末以來兵凶洊加戶口消耗袁衛支運不堪屢控各憲妄引信會二所事例朦朧各憲扳累遠衛不思信會二所原屬贛衛分所衛有轄所猶府有轄邑也信會既屬轄所自應帮造贛軍非贛衛轄軍之外別有所謂帮造也今袁衛妄以遠衛比例信會不啻天淵矣自比例信會之說不行復以班軍名色妄加遠衛此尤誑誣之甚者不思班軍之名惟袁衛有之以彼比歲更班造運故名之耳若遠衛者其衛在遠方籍存袁册但有勾補並非班軍詳閱前任各上憲批詳分晰甚明無容混淆何袁衛不揣涇渭攸分清濁難淆復肆此無根之論嘵嘵不輟也因詳著其本末情形以俟後之君子加察焉知縣王光烈識

嘉慶四年袁衛易梁李八船妄扳揭文煜等案節錄
宜春縣黃爲據實詳復事看得旗丁易梁李八船等上控
揭文煜等脫軍爲民一案前奉駁飭以情節未協批飭另
查職查宜邑志載袁州軍籍有遠衛本衛二軍之分遠軍
之名緣其祖父戍遣別省故籍以軍名以備勾其子孫補
役載入黃冊係屬民籍世克民差本衛軍世耕屯田承辦
造運載入衛冊世當軍差軍民業有攸分揭子恭委係遠
衛冊內載明自明宏治二十年勾取補役之後無人繼補
註明人口無字樣若非故絕當康熙三十年將本畝九甲
刁廷濱編歸軍畝之時豈有不將揭子恭之戶一併編歸

之理况以後歷屆編查亦斷無聽其遺漏至今雖無報絕
之案而該戶丁盡戶絕已屬顯然所遺絕產已歷數百年
無可稽查卽原告彭廣廷亦不能指出并查二十四年清
軍冊內并無姓揭戶名不但揭文煜等非揭子恭後裔卽
使揭子恭果未故絕亦屬遠衛軍難以混淆且揭文煜等
世克民差數百年版籍豈容彭廣廷藉奉飭查勒有國上
控之案遂盜寫入船戶名捏控妄扳請照前詳仍歸民籍
以杜訟端等情嗣於本年正月內據袁州幫易梁李等八
船旗丁彭廣廷以產在丁存等事具控揭亢宗戶名揭子
恭冊載袁州衛軍詭載丁口無捏絕躲差縣訊前後互異

宜春縣志 卷三
迅賞究辦等情奉前護憲錢批仰宜春縣速查案報職於
本年五月內復查核各冊揭文煜等歷載民籍與故絕之
遠軍揭子恭委係同姓不宗况遠衛軍戶歷當民差康熙
年間會因屯丁妄扳奉各憲嚴禁有案卽訊曷隣堅供無
異并非子恭之裔更無疑議并詰之彭廣廷亦無詞置辨
到案自認請免深究取有遵結存案復奉前護憲錢以此
案既無揭文煜等世系可查又未據吊譜附送從前報絕
有無案據所遺絕產現是何人承頂且原告之黃偉劉子
寧等并未到案質訊批令再行確查訊覆今據揭文煜等
繪呈世系供明窮居零星歷無族譜既非子恭後裔焉知

遺產下落且人口已無何人代爲報絕其無報絕案卷可
知而原告劉子寧匿不到案詳請核銷伏查軍民案據全
以譜誌爲憑該衛既有遠軍運軍之分則軍民久有定案
雖無譜牒可查細查縣志順治年間曾囚軍丁妄扳遠軍
編定造運已奉嚴禁立案康熙年間復因旂丁妄扳又已
核明批飭勒石永禁是遠軍爲祖父緣事發遣之後裔並
不承當軍差已屬明確卽核呈送奉化三箇遠軍編冊十
甲散戶揭子恭戶下註明洪武四年因宜春侯黃彬收集
軍士收克袁州衛軍因進征上攸身故洪武十六年遞取
補役永樂宣德等年間復因病廢發回收侄當差宏治年

間景文身故之後無人繼補則子恭戶係屬遠衛久經故
絕固已班班可攷似無捏飾况遠軍既係歷承民差揭文
惺等無論同宗與否即使實係揭子恭之後裔亦不能承
當衛軍造運之差所遺絕產訊之原告彭廣廷等亦不能
指出且核編審軍丁冊內通伍並無姓揭之戶其為彭廣
廷妄扳滋累似無疑義彭廣廷等遞具悔罪甘結首隣習
陳關等亦具有同旨甘結存案應否准其銷案之處理合
同志冊卷宗及各結申送查核伏候鑒示遵行須至詳者
糧憲批據詳揭子恭係屬遠軍歷當民差誌冊可據且揭
文惺等並非子恭後裔取具原告及隣首各結存案仰即
如詳銷案繳冊誌各件發還

十月初三日旂丁彭丁李劉祥袁鍾彭柳蔣鍾張元亨易
梁李彭曾郭朱珣琳八船等又以冒民脫軍公叩改正等
情控縣批江省軍丁自乾隆二十四年奏奉委員清查之
後總以二十四年清查印冊為憑印冊無名者概不得妄
扳為軍所有康熙雍正等年一切殘廢屯冊均不作準該
丁等毋混行扳攢致干究坐

宜春縣志卷十四

武事志

銘鐘勒石首重軍功設險固圉必先武備宜春附郡郭
 地居荒僻界隣荆楚草竊奸宄不時間作以致戎馬蹂
 躪民罹荼毒受害不淺今幸四郊安堵刁斗不聞金湯
 永奠然昔時寇盜憑陵得以殺敵而獲安全其功亦不
 可沒因循例詳其始末以示來茲志武事

晉

永嘉五年洛郡不守司空荀藩移檄以帝為盟主承制改
 易長吏江州刺史華軼不從命於是遣左將軍王敦都

督甘卓周訪宋典趙誘等討之軼遣別駕陳雄屯彭澤以拒敦自率舟師爲援武昌太守馮逸次於湓口訪擊逸破之前江州刺史衛展不爲軼所禮與豫章太守周廣爲內應潛軍襲軼軼衆潰奔於安成追斬之及其五子傳首建業載晉書華軼傳

夏五月杜弼陷長沙攻湘州刺史苟眺走州人推安成守郭察領州事率衆討弼反爲所敗察死之載晉書

義熙六年春三月盧循自始興寇長沙徐道覆寇南康廬陵豫章諸守相皆委任奔走道覆順流而下安成公何無忌自尋陽引兵拒盧循長史鄧潛之諫曰循兵艦大

盛勢居上流宜決南塘守城以待之彼必不敢捨我遠下俟其疲老然後擊之參軍殷闡曰循所將皆三吳舊賊百戰餘勇始興溪子拳捷善鬪宜留屯豫章徵兵屬城兵至合戰未晚也無忌不聽與徐道覆遇於豫章賊令疆努數百登西岸小山邀射之西風暴急飄無忌所乘小艦向東岸賊以大艦逼之衆遂奔潰無忌厲聲曰取我蘇武節來賊衆雲集握節而死載通鑑紀事

宋

元嘉二十二年廢義康爲廢人徙安成郡以沈邵爲安成相領兵防守載宋書

二十四年豫章胡藩第十六子誕世前吳平令袁憚等聚衆據郡欲奉戴庶人義康值交州刺史檀和之至豫章討平之載宋書

按漢高帝五年立宜春縣中平二年析宜春地立漢平縣孫吳據有江東改曰吳平又析宜春地立新喻縣隋開皇九年省新喻入吳平十一年廢吳平入宜春十八年再析宜春地立新喻其吳平不復再置今雖其地半屬清江特附記一事於此俾見昔時郡邑地境與今不同

泰始元年冬十一月江州刺史晉安王子勛舉兵尋陽安

成太守劉襲舉郡奉順鄧琬遣龍驤將軍廖炎率數千人并發廬陵白丁攻襲襲與郡丞檀玠拒戰玠臨陣見殺襲棄郡走炎鹵掠而退襲復出據郡載通鑑參鄧琬傳

齊

中興年間蕭穎胄弟穎孚在京師廬陵人修靈祐

南史作修景智

竊將南上於西昌縣山中聚兵二千人襲郡內史謝篡奔豫章穎孚靈祐據郡求援穎胄遣龍朔將軍范僧簡入湘州南道援之僧簡進尅安成仍以爲輔國將軍安成內史拜穎孚爲冠軍將軍廬陵內史合二郡兵出彭

蠡口東昏侯遣軍主彭益劉希祖三千人受江州刺史
陳伯之節度南討二郡義兵仍進取湘州南康太守王
丹保郡應益等穎孚聞兵至望風奔走前內史謝篡復
還郡劉希祖至安成攻戰七日城陷僧簡見殺希祖仍
爲安成內史穎孚收散卒據西昌謝篡又遣軍攻之穎
孚敗奔尋卒後修靈祐合餘衆攻篡篡復敗走豫章希
祖亦以郡降載南齊書蕭穎胄傳

按梁書蕭穎達弟穎孚自京師出亡修景智潛兵與南
歸至廬陵景智及宗人靈祐爲起兵得數百人屯西昌
藥山湖穎達聞之假穎孚節都督廬陵豫章臨川南康
安成五郡軍事穎孚率靈祐等進據西昌東昏侯遣安
成太守劉希祖自南江入湖拒之似此與齊書不同因
並存之

梁

太同五年十月辛丑慧出南斗長一丈餘東南指漸長一
丈餘十一月乙卯至婁城占曰天下有謀王者其八年
正月安成民劉敬躬身挾左道以反黨與數萬載隋書
天文志

八年安成劉敬躬者田間得白蛆化爲金龜將銷之生光
照室敬躬以爲神而禱之所請皆驗後謀反伏誅載豫

章書

按張綰傳安成人劉敬宮綱目作躬挾妖道聚黨攻郡內史

蕭悅棄城走賊轉寇南康廬陵屠破縣邑有衆數萬人

進寇豫章新淦縣南中人不習兵革吏民恒擾奔散或

勸綰宜避其鋒時爲豫章內史綰修城隍設戰備募召勇敢得

萬餘人刺史湘東王遣司馬王僧辯帥兵討賊受綰節

度旬月間賊黨悉平第綱目云大同八年正月作亂三

月伏誅其年月恐有悞

大寶二年李遷仕與寧都人劉孝尚并力將襲南康陳武

帝令僧明與周文育等拒之相持連戰百餘日卒擒遷

仕送武帝及帝下南康留僧明頓西昌督安成廬陵二

郡軍事載杜僧明傳

太平元年割臨川安成豫章巴山置高州以法氈爲刺史

鎮巴山後蕭勃歐陽頎來攻法氈破之載梁書黃法氈

傳

按此刺史不常置尋廢安成郡又隸江州

隋

開皇九年平陳之役以舟師自蘄水趣九江晉王已平丹

陽王世積移書告諭陳江州司馬黃德棄城遁世積至

豫章太守徐璿廬陵太守蕭廉尋陽太守陸仲容巴山

太守王誦安成太守王瓘鄱陽臨川守將並詣世積降
載隋書王世積傳

大業十二年冬十月鄱陽賊帥操師乞自稱元興王建元
始興攻陷豫章郡以其鄉人林士宏爲太將軍詔治書
侍御史劉子翊將兵討之師乞中流矢死士宏代統其
衆與子翊戰於彭蠡湖子翊敗死士宏兵大振至十餘
萬人十二月士宏自稱皇帝國號楚建元太平遂取九
江臨川南康宜春等郡豪傑爭殺隋守令以郡縣應之
其地北自九江南及番禺皆爲所有載通志

按江西大志大軍嶺爲煬帝時戰場林士宏蕭銑迭據

其地

唐

高祖武德五年冬十月楚王林士宏弟鄱陽王藥師以兵

二萬圍循州總管王世畧破斬之士宏請降王戎

士宏黨

亦獻南昌地詔戎爲南昌州總管士宏復遁保安城山
袁人相聚應之爲張善安所察以兵赴討會士宏死黨
乃解載通志

天祐六年六月危全諷自稱鎮南節度使攻洪州楚馬殷
遣指揮使苑玫會袁州刺史彭彥章圍高安七月淮南
遣招討使周本擊全諷全諷於象牙潭營柵臨溪亘數

十里本隔溪布陣先使羸兵嘗敵全諷兵涉溪追之本
乘其半濟縱兵擊之全諷兵大潰溺水死者甚衆本分
兵斷其歸路擒全諷及將士五千人乘勝克袁州執刺
史彭彥章進攻吉州載通志

八年吳淮南節度副使陳璋等進攻荆南高季昌遣其將
倪可福拒之吳恐楚人救荆南遣撫州刺史劉信帥江
撫袁吉信五州兵屯吉州爲璋聲援載通志

十一年夏四月吳袁州刺史劉崇景判叛附於楚楚將許
貞帥萬人援之五月吳都指揮使柴再用米志誠與崇
景許貞戰於萬勝岡大破之崇景棄袁州遁去載通志

十五年正月以右都押牙王祺爲行營都指揮使將洪撫
袁吉之兵擊譚全播於虔州載十國春秋

南唐

保大九年邊鎬以信州屯兵出宜春討長沙破其軍於龍
回關徐威等以希崇降希萼亦送欵於鎬鎬盡遷馬氏
之族於金陵以希萼爲洪州大都督載南唐書

十四年柴克宏爲撫州刺史會淮南交兵吳越伺間侵常
州克宏請効死行陳元宗嘉其志授右衛將軍遣與袁
州刺史陸孟俊同救常州大破之載柴克宏傳

宋

開寶七年袁州萍鄉制置使劉茂忠破潭師於境內拜袁州刺史載南唐書

建炎元年冬十月兀朮分兵一自滁和入江東一自蘄黃入江西劉光世及知江州韓相遁十一月滕康劉珏聞金兵至奉太后出城江西制置使王子獻棄洪州遁金人陷臨江軍守臣吳將之遁陷洪袁撫守臣李積中王仲山王仲疑降載豫章書

高宗時萍鄉寇犯袁州岳飛親授統領徐慶王貴方畧未幾悉平載武穆傳

元

至正四年夏六月袁州民周子旺反僭稱周王偽改年號擒尋獲伏誅載元史

按庚申外紀周子旺反以寅年寅月寅日寅時僭號十一年袁州慈化寺僧瑩玉以彌勒佛教鼓動湖湘從者甚衆載史畧

十二年徐壽輝僞將歐普祥陷袁州載通志

按明史谷應泰紀事云徐壽輝舊將歐普祥以袁州來降陳友諒遣其弟友仁攻普祥擊敗之擒友仁友諒懼乃與普祥約和釋友仁歸又黃彬傳歐普祥死彬領其衆從常遇春征贛州饒鼎臣據吉安爲熊天瑞聲援遇

春至鼎臣走安福彬以兵躡之走茶陵天瑞乃降從湯和執周安後移鎮袁州招集諸山寨流民深加撫恤江西悉定

明

正德十四年寧王宸濠反南贛巡撫王守仁討之袁州知府徐璉亦引兵進載通志

崇正十年丁丑冬十一月二十五日臨藍賊劉新宇聚黨數千人從醴陵之淶口舍舟趨萍鄉來寇袁州二十九日賊至府城扎營西關拆屋伐木爲攻城計殺修甚慘十二月初二日賊自西門分兵渡北關扎營拆屋抄掠

如西關賊先布奸細趙大春等入城謀內應至期集黨西城假以降神欲砍門引賊初三日謀獲斬之初四日賊掩省兵於東路省兵敗績初五日賊雲梯兩道並進攻西北二門城上以死拒守懸金募燒雲梯初六日居民文繼廷糾義勇彭新橋萬良臣等以昔隨孫閣部承宗軍中守城常用虎蹲銃過泊春坊賴閃仲儼大助火藥衝斷左右挽梯布緇雲梯橫倒聲如雷裂良臣等挾短刀縋城下焚之閱兩日賊稍退城得不陷本日省兵合吉兵復戰北門自東門渡江迎戰我兵復敗績初八夜彭新橋等潛渡北關縱火焚賊營賊還西門合寨并

力攻城十一日萍鄉知縣程之敦以辰兵至大戰賊於城西城中鼓噪相應賊敗走攸縣袁城解嚴載府志

十六年癸未夏五月萬載天井窩寇起九月城空十月初五日天井賊邱仰寰據城初九日左帥副將吳學禮督馬步兵五千自潯至殺賊旋班師十三日獻賊偽參將畢登雲自萍至袁扎營演武亭二十五日賊大營自吉至邑總督袁繼咸以昔撫鄖嘗困賊遂於橫塘袁氏村焚洗一空分宜貢生張兆蘭糾集義旅謀復城不克死之十一月二十五日左師鎮將馬進忠王允成李某等大兵至賊先期棄城去左兵扎營四路綿亘各數十里

橫殺袁境至十二月二十五日方啟行甲申正月方悉營還楚別將楊躍龍一營二月初十日方還潯計兵賊殺擄凡三月餘城中埋過屍五千有奇察還擄匿婦女八百四十一口城外各鄉不勝計從來殺戮無如此慘者載府志

秋八月張獻忠陷長沙降將尹先民何一德願効前驅進取江西獻忠悅偽封世襲伯九月賊前鋒至袁州獻忠至萍鄉知縣棄城走萍鄉士民牛酒遠迎賊陷萍鄉盡焚公廨屋廬空其城獻忠歸長沙分兵徇分宜十月賊陷萬載陷袁州左良玉遣副總吳學禮來援次於分

宜進圍袁州偽將邱仰寰拒守都司高山奮身先登斬賊二千四百奪馬六百擒斬仰寰復袁州時江西袁州吉安臨江人民多徙山谷官兵淫殺俘擄三郡苦之所在屯結以拒官軍廵撫郭都賢檄撤左兵回九江招土著以戍三郡官兵既撤賊自長沙突至吉安諸縣同日陷賊設偽官改吉安爲親安府廬陵爲順民縣賊將張其在發偽檄馳下袁州兵民皆傾城先竄賊復入袁州左良玉令馬進忠等將兵赴袁州十一月江督呂大器兵復吉安進忠等兵至分宜賊盡竄袁州進攻之賊開門西走追

逐三十里復袁州盡誅諸偽官斬首三千級奪賊馬五百弓矢數萬是月設南贛兵三千以副總兵鄭鴻達統之十二月獻忠遣兵陷建昌又陷撫州南豐明年獻忠棄長沙入夔州載明史紀事

十一月左帥鎮將馬進忠王允成等督兵再復袁州左兵淫殺百倍於寇宜春化北鄉林田石洞深邃廣濶居民避入洞內兵以火薰之死者千餘人載通志

皇清

順治二年乙酉八月大兵至袁明楚帥黃朝宣與袁州守

將蒲

通志作胡

纓敗奔肆虐絡繹袁萍署府事同知李時興

自縊於萍鄉官舍朝宣踞萍立寨九月萍鄉知縣陳其謨被執次年九月知縣蘇于令亦被執居民殺戮者過半先是朝宣自燕子窩督兵數萬來攻袁于城西鳳凰山築土城開濠爲持久計進逼北城是年正月金聲桓遣副將白之裔來援朝宣解圍去五月鎮將郭天才拆民屋置甕城增修敵樓載府志

四年丁亥春二月大兵直搗朝宣巢穴與衡永兵夾攻朝宣不克

五年戊子金聲桓以江西叛遣鎮將湯執中蓋遇時及自號義旗者分踞郡城互相吞併五月執中南下十月遇

時西奔袁城復空十一月三關棚賊據城

六年正月城復

康熙十三年甲寅四月棚賊朱益吾王乃忠等據三關九箇以叛蟻聚數千人大肆殺掠男女死者無算遍焚民居廬舍蕩燼協鎮趙應奎遣守備陳素綸楊朋實帶領官兵前往慈化各地方堵截六月十一日遣守備陳素綸千總金明俊等統領馬步官兵進勦三關九箇十三日陣斬賊首朱益吾逆姪朱翰苑直搗巢穴陣擒賊首李念松李贍我七月初五日又遣千總趙光正汪國樑等征勦慈化黃塘楚山泉坑等處九月賊黨愈盛處處

蜂起石裏石外薦裏薦外化北遷喬等鄉皆屬賊踞聲
言欲屠袁城坊隅居民逃散闔邑戒嚴十月賊焚掠錢
塘等處十四日遣守備楊朋實前往勦殺百餘人活擒
十八名賊據萬載城餘黨分踞善和鄉荆橋等處二十
一日總鎮趙親統官兵會同都統穆前往荆橋地方撲
勦偽總兵左宗榜陣斬逆賊五百有餘活擒五十餘名
公審正法二十二日隨統滿漢官兵前往萬載陣斬逆
賊數百活擒賊首邱以祥與偽知縣童聖功恢復萬載
縣城池十一月棚寇帶引逆賊偽掛印將軍朱偽總兵
黃乃忠等由西村一帶逼近郡城初三日總鎮趙會同

都統甘親領滿漢官兵前往堵勦陣斬數千級初四日
檄令防萬遊擊陳素綸撲勦萬載逆賊陣斬偽監軍道
盧景岱父子賊將漆國勳活擒偽守備李忠

十四年乙卯三月賊焚擄油木棟一帶地方初二日遣中
軍遊擊潘希聖等統兵進勦斬偽千總支勝吾殺賊二
千有餘活擒賊首七名四月初十日進勦白水老巢殺
賊千餘人

十五年丙辰二月十二日遣千總馬光英把總丁魁帶領
馬步兵丁隨王師征勦萍鄉逆賊十五日陣斬逆賊偽
守備馬登雲李正良吳鍾并斬囉囉等恢復萍鄉城池

三月初五日遣把總陳忠等領兵前往長坑地方活擒
偽總兵揭玉卿胞弟揭文卿并賊黨一十一名正法三
月二十二日遣中軍遊擊李顯宗等統領馬步兵丁自
袁遣發又檄防萬遊擊陳素綸從萬載遣發訂期會勦
鐵山界巖前等處搜勦偽總兵朱永盛等陣斬偽都司
一員偽守備一員并獲偽劄三張活擒偽千總曇雲追
至沙溪湖塘城潭江殺賊千餘活擒偽守備孔貴所餘
逆逃遁瀏陽醴陵各處深山復率官兵前往桐木地方
及脚版坑等處陣斬偽將軍隨征官一員并復登殺賊
不計四月柵賊復據萬載十五日遣守備楊朋實都司

趙應時等統領官兵前往萬載會同遊擊李顯宗策應
會勦逆賊恢復萬載城池二十日遣城守營遊擊關彪
前往茶村一帶撲勦逆賊陣斬偽守備江文夾

十六年丁巳正月二十四日總鎮趙應奎統領遊擊趙應
時等馬步官兵從金瑞進發又遣城守遊擊關彪都司
汪國樑等領馬步兵由白沙桐木前進又遣守備胡文
良等領兵由上栗市碧溪前進訂期夾勦白水株樹潭
老山坑聚錢坑鐵山界蜈蚣巢藍家巢葛坑南巖紅紗
等處直搗黃茅孫家墩老巢陣斬偽遊擊周良宇卜鳳
奇偽都司張問達黃大用歐陽勝楊吉勝陣獲偽將軍

大旂手曾興段祥楊蘭生殺賊不計活擒賊兵王仲等三十一名凡屬賊巢盡行燒燬賊首朱永盛曾加印等嘯聚餘黨潰逃瀏陽東鄉大圍山雞婆尖處因地界寬濶山林深險於二月十七日收兵回營屯扎株樹潭築蓋營房總鎮趙班師回鎮留健丁遊擊趙應時城守遊擊關彪都司汪國樑統領馬步官兵駐防困守賊巢不時搜勦賊勢窮迫乃於戊午年二月十八日偽總兵朱永盛高玉澤曾加印偽副將范君佐其孕貞邱加職陳君啟偽遊擊參守千把等官率領偽兵萬有餘人親詣株樹潭投誠二十八日自株樹潭起身送赴袁城叩見

總鎮隨蒙總鎮趙城守關彪遊擊趙應時都司汪國樑知府顧軍廳孟宜春知縣吳各捐米有差安插投誠官兵地方安堵隨奉總督董分散各標効用兵丁入伍食糧如願歸農俱准回籍

總鎮趙咨呈驅逐棚民稿附

爲呈報驅逐棚民以靖地方以固邦本事切照袁郡僻處山陬界連閩楚三關九嶺高嶺邃谷向爲藏奸之藪先年閩省棚民潛居其內事平則耕山種麻遇亂則糾衆橫行查自甲寅年叛亂以來乃有渠魁朱益吾李念松等勾連吳逆盤踞萍鄉東嶺西擄百姓無不受其荼

毒屢年以來發兵洗勦漸次削平擒渠獲醜久經呈報本部院荷蒙具題在案但其勦殺之餘復經潛入實關民瘼今據袁州府宜春縣鄉紳潘子達袁一菁楊尙義萍鄉縣貢生李明喬譚錫命等生員姚蠡方直林喬植柳元生鄧嗣禹陳德瑤等爲乞奮霆斷盡行追逐早弭禍亂以永靖袁土事大憲德威丕著士民感恩再造禍緣糊寇盤踞各鄉呼朋引類釀成積患在承平之時或夤夜行劫或旱荒搶奪屢受其害一遇有警則蟻附蜂發自

國朝定鼎以來一反於金王作變之年再叛於江南震動之日至康熙十三年四月滇黔煽禍幸際大憲親統貔貅神速撲勦犁庭掃穴郡賴更生稍寬一網許令投誠詎惡遂藉招撫爲由仍然戀住三關陽爲歸順陰伺間隙容匿奸宄潛通消息雖附近鄉愚已經控詞蒙憲批着驅放回籍奈惡懷奸觀望飾詞遷延留連袁土乘時竊發抗藐憲法不促歸裝切思非我族類其性必異狼子野心終難馴服養虎噬人一悞不堪再悞厝火積薪小仁必亂大謀倘此日遲遲不去逆黨必源源而來不特日後大患叵測實目前隱憂可慮憲與民除害千載一時紳等情切生死慮深家國冒懇終恩俯徇輿情逃

法屏除盡驅回籍不畱餘孽立斬禍根袁民有賴又據
宜萍二鄉難民鄉長余孟器譚文斗等連名狀訴爲再
頒文武神威執法靖孽保國安民伸雪人鬼大寃事內
稱禍因糊逆朱益吾插居袁地引類呼羣假以耕山爲
名節行倡亂各憲有案不期康熙十三年風聞楚孽乘
機橫法殃民男婦任其殺擄屋宇盡爲灰燼包山血洗
枕骨遍野屢蒙憲臺整旅蕩勦餘黨刀下免死招安屢
赦屢叛仍前作虐以致殘子此備四載不敢歸家今春
蒙總憲蕩平之後三月內示限五月槩促回籍蟻等於
七月內冒訴憲臺頒全始終民信不意反遭客長王元

德譚輔臣等訴稱林木池魚禍殃不已乞分黑白覆盆
有天捏架虛詞席捲謀產哭思糊逆聞人異籍蠶食袁
州有年自朱益吾叛亂之後三關父子兄弟人人皆賊
卽今年蕩平已久株樹潭上栗市萍鄉安福萬載四面
大兵雲集楚逆從無犯界而擄桐木擄狗頸擄秋江擄
雞冠擄上通擄下通擄名湖擄金竹擄清溪擄小棍擄
石觀皆此招安餘孽之害也遇進勦則藉招安爲救命
之藪一師旋則仍復負隅肆毒無有休日且王元德素
行不軌康熙十年穀價稍貴惡卽蠱黨湧船搶擄南米
致易登三彭茂芳已經具控前任軍憲勘審案存平時

尚且橫行臨變豈不符叛哀懇大憲作主驅逐當道豺
類合郡並歌載頌子子孫孫立碑焚祝又據袁州府宜
春縣合邑鄉紳潘于逵楊尚義袁一菁貢生楊士嘉袁
一颺周家楨生員姚蠡張鳳翥梁曾耆民胡姚祚等公
呈爲棚逆藐抗遷延再懇迅驅回籍永杜亂源永奠殘
黎事憲臺撫愛黎元德並高厚蕩掃妖氛威鎮江楚數
載以來帷幄深謀鯨鯢授首現今樹幟要區遊魂遠竄
目前所深慮者三關餘黨名藉舊日招安陰爲豺狼之
淵藪士民所披瀝者百年遠計實望此際驅除永絕虺
蜴之胎卵日前具控荷蒙申飭再二年復一年未見束

裝載道踪跡逗留心懷叵測此輩一日不去殘黎終難
復業現前已作逋逃之首將來不免萌蘖之生見患不
除爲憂方大懇乞總憲威行風電迅掃遺孽押令刻期
速行毋俛佇立觀望更有深冀者新喻鐵坑一帶餘孽
尚有負隅竊恐中途類聚相符爲奸是此去而被留實
前驅而後進必爲異日之隱憂可無先事之早計伏懇
賞文嚴勅各屬沿途曉諭押令出境毋容隱匿本土復
圖乘釁竊發則總憲勝算萬全而造福於袁郡者與天
地同悠久也地方幸甚士民幸甚各等情到鎮據此照
得此輩立心不軌素行叵測革面未必革心昨本部院

進勦銅鼓賊衆望風披靡其潰敗逃竄者或三五十或
百十成羣潛伏三關之內而棚民爲之容隱以致百姓
不敢進內耕種田土悉屬拋荒且包藏禍心日則剃髮
是民遇晚糾黨行劫復遇各處賊寇暗行不軌其叵測
情形屢經報明在案萬一別境稍有蠢動又復乘機竊
發况三關地連蘆溪宜風長沙孔道若不亟行屏逐實
萬分可慮誠爲袁郡隱憂今據各鄉紳瀝陳前來本職
意欲發兵勦洗以盡根株仰體

皇上好生之德暨本部院勦撫并用之恩查此輩盡屬閩人

今該省業已恢復現在行令將備會同有司委官驅逐

盡行促令遞解回籍庶內患不得復萌而地方永享安
全之福矣除會同袁州府縣委官逐令回籍并安插百
姓各歸原業之後另文呈報外合就咨呈本部院俯賜
查奪施行康熙十六年十二月二十五日咨呈至十七
年戊午正月初六日遣健丁營守備許君用中營守備
趙光正會同軍廳孟前往三關九畝等處驅逐棚民又
檄防守株樹潭都司汪國樑驅逐慈化余家坊桐木上
栗市荆坪黃塘馬嶺桃塘馬坑施家坊等處棚民數千
餘戶悉令回籍永絕根株

驅除棚寇功德碑附

袁州接壤於南爲吳楚咽喉重地百年以前居民因土曠人稀招入閩省諸不逞之徒賃山種麻蔓延至數十餘萬盤踞深固即在太平無事之秋陰行劫掠一遇變生輒爲亂首崇禎壬午天井盜起則邱仰寰入據郡城順治戊子金玉謀逆則朱益吾播虐鄉邑己亥海寇犯金陵復揭竿樹幟怙惡不悛當時惟因循姑息釀成大患頃因康熙十三年吳逆竊據長沙此輩蜂起響應綿亘數百里焚殺淫擄所過爲墟萍萬二邑再陷袁城危若累卵賴總憲趙公祖以貫日精忠運如神智畧鷹揚一怒出萬姓於湯火之中遂臬渠帥朱益吾殲孽醜李

念松王乃忠等卒使環袁以內先復舊宇大江以西無缺金甌凡茲鋒鏑餘生固已嘔吟弗輟禱祀難忘者也尋復招楚界負隅窮寇儘數投誠且搜剔三關九畝遺類勤令回籍是一時倒懸之厄可解而百年難拔之患獲除但棚黨奸狡百出陽托旋里陰匿近境者實繁有徒幸逢府憲于軍憲楊縣尹王會同總鎮梁深慮各屬鄉隅不戒從前之失復貽滋蔓與袁民約束再三嚴行保甲之法逐戶逐營查驅毋俾遺種於茲土其先後崇功備業直與袁山秀水流峙無窮凡屬部內得以飲醇食德寢處不驚者皆文武公祖父母貽謀之遠且大也

其防患捍災恤民輯兵諸善政未易殫述第綜其驅除
棚寇功德壽之於石以誌不朽且戒後之紳士居民世
世子孫無蹈前愆招之復入尤冀仁人君子牧斯土者
綢繆未雨無替我公祖父母之恩勤則萬世之利賴也
夫闔邑紳衿耆里等仝立

府憲于嗣昌禁採買草火耗事蹟附

宜春自軍興旁午百姓苦於供億最難堪者營弁假軍
芻爲名肆行採買積弊難革府憲於下車之後會同軍
憲楊再四申飭嚴行禁止宜民始得休息嗣奉總督于
憲檄嚴禁雜派又復嚴飭各屬并營弁不許仍蹈前轍

如敢陽奉陰違卽直指貪墨按例處分尋蒙府憲仰體
上憲德意牌示迭行務令凜遵無違又續行禁革火耗
諭令各屬恪遵總督告誡司道申飭每遇征糧之時卽
查明各戶應完實數照部頒法馬自稱投櫃於包封上
註明姓名數目以便稽核其一切火耗全無斷無不踴
躍爭先完公者不惟易全考成抑且流芳千古懸示通
衢各邑樂從萬民懽聲因而載道矣

府憲于捐米各營并請餉接濟事實附

宜春當數年兵燹之後師旅絡繹饋餉維艱袁臨鎮標
各營兵馬於康熙十七年奉

旨出征家口悉任袁城雖有糧餉按時給發而彼時投誠新
衆又有撥支月糧之欸其出征家口不無嗷嗷待哺府
憲于憫其在外勤王有楊柳兩雪之嗟家室蕭條多懸
磬敲砧之嘆自健丁營及前後中三營各捐米八十石
委把總余天奇逐日給散各沾實惠後各營奉

旨班師其閱歲懸支糧餉應於江省領足府憲于憐其荷戈
載道盡歷艱辛一時措餉不繼實爲地方隱憂又爲轉
借銀兩接濟屢爲轉詳各憲愷切請給軍餉兵賴以濟
民賴以安是各營之涸鮒全甦而袁城之金甌鞏固爲
國爲民皆兼得也維時健丁營及前後中三營各領捐米
八十石且均受借措銀兩請給糧餉之洪恩俱經移會
在案例應紀實入乘用志不朽

宜春縣志卷十五

關津志

王政重門幾暴除道成梁所以便民利攸往也宜邑非
水陸通衢無關稅之設惟依山負險形勢阨塞防守須
嚴至濟川必資舟楫趨便莫過橫梁凡孔道要津無論
鄉村僻壤有急公好義設渡建橋亦足助政治所不及
均紀之以垂不朽志關津

阨塞

太平關在喝斷山離城北一百二十里與萬載縣萍鄉縣
及湖廣之瀏陽縣接境兩山峙若天門中通一徑爲八

八十月日與...

身日志不林

省咽喉載通志

萬勝岡在城東五里楊吳時柴再用與米志誠討劉景崇

出師岡下不戰一日列陣岡南大敗之載九國志

大將嶺即九七嶺通志作大軍嶺在城西北九十里周回約十五里山

腰有泉名水漿湖相傳隋煬帝時戰場載通志

分水嶺在城東南六十里與巖管山寨相近皆防阨峒寇

之所載府志

澗富嶺在城南六十里與安福縣接境宋嘉定四年嘗於

此置寨以遏郴寇載通志

橋渡

秀江橋

在袁山門外元至正間建舊名畫舫甃石架木覆屋其上明天順八年知府劉懋重修陳定記崇廣

二丈袤三十三丈覆屋二十七楹後屢毀屢修嘉靖甲辰復燬分宜太常少卿嚴世蕃請於父少師嵩出賜金

二千餘兩改甃以石廣袤皆如其舊高特增於舊十三少師以橋名請於上賜名廣澤樹石坊於橋之北吏部

左侍郎徐階記萬歷戊子大水北岸一爨連隄衝倒知縣蔣應震捐金四百五十餘兩修萬歷己酉四爨盡頽

戊午知府黃鳴喬知縣廉養貞邑人京卿袁業泗等重建崇正丁丑袁復偕姪江督繼成再修國朝順治丙

申知府吳南岱首倡重新欄柱鼎構爨辛丑夏五月久雨江漲傾壞十餘丈知府胡希聖重修去任知府李

芳春修康熙乙巳始訖工進士袁繼梓其襄是舉詳守道施閏章秀江橋記四十二年北岸二爨傾頽知府胡

應麟經度重修工未竣而解任知府葛繼孔知縣江為龍始董厥成乾隆四十九年甲辰萍鄉出蛟大水衝圮

殆盡

浮橋

在城小北門外因乾隆四十九年大水衝圮秀江橋五十二年知府高芝知縣成元一會同副將都司開

小北門即於門外倡眾捐貲編舟為梁以通行人餘銀
置田若干畝擇首事易樹蘭陳仁厲上選梁份等管理
生息五十八年署知府張五緯嘉慶三年知府林其宴
七年知府王朝颺知縣方宗敬重修三次至嘉慶二十
二年徐宏鵬建石橋而浮橋遂廢眾以此項公產關係
後來橋梁未便開銷公舉胡雲登董理每年九月合邑
清算不存錢穀即置業產其原
置田產併續增租業均列于後

原置田張家坊民田三十三畝七分額租四百零一桶
雷橋民田五十三畝額租六百四十桶 彭家窰民田
二十畝土田二畝額租二百五十桶 南廟早遲田二
十畝除水衝破外實收額租三百十七桶 新茶民田
十五畝七分額租二百十桶 蘇家塘民田二畝四分
十田七畝五分額租二百十桶 漢路圍土田十畝除
減額租二十桶實收一百二十桶 上石早遲田三十
九畝五分額租四百一十三桶 東嶺下民田二百四
十把額交租十八石 小北門外左右傍城店三所又
傍城角屋三直橋芹店屋二棟又一直二間 又小北
門外屋二直歲收地租錢二百文又空基八尺歲收額
租一百文 魁星閣外東邊戲臺背左右及後空基

口上除穀外租錢
共三十五千文

續置田白木頭民田十三畝五分土田五分額租二百
六十四桶 沙坡橋民田二畝三分土田一畝額租六
十四桶 南路窰前民田十畝額租一百六十桶 池
塘下民田十一畝額租一百五十八桶 上石民田一
畝額租十四桶 張家坊民田八分額租十桶又六畝
三分額租一百一十桶又一畝八分額租三十四桶
又栢樹下民田十七畝七分額租二百八十三桶
小北門新造屋五直十間歲收額租十三千文

新秀江橋

在新開小北門外即浮橋舊岸嘉慶十九年邑
庠生徐宏鵬遵母訓獨力建立八墩七龕崇三

丈餘廣二丈四尺袤四十四丈兩旁護以石欄計費金
三萬餘兩徐樂山記道光三年撫憲程旌急公好義額

落流橋

在府治東北唐李將順疏西陂
水入城於此落流入秀江故名

湛郎橋

在府治東三里舊名赤板唐湛賁登第彭仇過此
橋聞之失聲墮驢又名落驢橋 國朝乾隆十四

年庠生胡安榮捐修並築官
道自橋達城東門九百餘丈

麟橋 在城西五里沙陂下流舊為水汊眾姓建編木架石墩嘉慶年間易周演謝家傳周銀楊錫與周德溥周夢蓮等募捐改造石橋四墩三爨

廣惠橋 在西門外三里舊名沙陂宋州守趙鏡夫建明正統初知縣江慶重建成化間水圯知府劉懋重新更今名崇廣一丈袤二百尺覆屋二十楹同知莫昂記國朝屢修屢圯康熙四十五年知縣江為龍率邑庠生楊嘉楠等連修二次後復圯於水墩岸盡壞雍正十二年知府薄履青謀諸邑庠尹化鵬張大紳徐鍾英募修時里光彭德四中溪彭澤溟澤濟邑增生 贈文林郎澤潤兄弟各捐修石墩數爨薄公當製扁額旌其閭眾乃造墩架木工未竣而薄公卒乾隆二年知府程文華繼修告成後又水圯嘉慶元年復架木又朽二十二年監生徐汝亨遵父例貢生鍾賢遺囑捐萬餘兩改造石橋傍東岸為三墩兩爨中折為長隄西岸為八墩七爨廣袤丈尺詳郡博羅允成記中知府陸泰以下文武官各旌以額

廣潤橋 在城東十五里上浦橋宋淳熙三年立明景泰五年知縣楊宏修成化初圯知府劉懋重修

水自大仰山發源經橋下入秀江每霖潦激射橋輒圯一在下浦舊名下浦橋編木為之水發新坊等處遇漲復壞分宜少師嚴嵩既改建秀江橋復念此係五省孔道又捐賜金伐石改築二橋各廣一丈五尺袤三十丈崇二丈五尺與廣澤橋同時建並以橋名上請賜名廣潤樹石坊二於橋之東西書賜額於上祭酒鄒守益記萬歷七年上浦橋圯知府鄭惇典重修入 國朝盡圯康熙四十三年江為龍以水湍激移就安流處率紳士易聯昇馮文炳易家驪等募貲興工上架以木乾隆八年天花寺僧普化募眾重修翼以木欄後屢修復壞

獲鹿橋 在城東二十里地名下浦即廣潤橋之一亦名長鼎建更名獲鹿每洪流漂疾橋不時壞知府胡應麟知縣張綸江為龍先後遞修改砌石墩編木架渡乾隆四

年水決壞橋墩過半改修鞏固第西岸低陷水衝每易崩塌嘉慶二十年創貢生徐鍾賢命子國學生汝亨捐銀八千餘兩鳩工伐石改建六墩五爨崇一丈五尺廣一丈六尺袤三十丈知縣徐樂山記更名好義知府副將以下文武官各贈 道光三年撫憲程旌以急公好義額

赤橋 在城東三十五里袁業泗建又五里為彬江市

嶺壽橋 在城東四十五里小里坊路口彭建邦建教諭茅連茹記

南源橋 在府治東南者民黃倫武建

指南橋 在大仰門外

郵橋 在城南十五里邑人袁繼樟建父業泗記

通聖橋 在城南十餘里俗名游橋

砥柱橋 在城南二十五里中村嘉慶二十三年眾募建

善同橋 在城南三十里集雲鄉南廟原編木嘉慶十四年監生楊超緒等倡眾易以石建六墩五龕

福慶橋 在城南三十五里集雲鄉下石爐下舊有木橋嘉慶十一年傅步瀛龍濱黃雲綉易友元等募建石

橋四墩三龕費銀千兩

由天橋 在城南五十里東庄乾隆戊戌龍仲珍建

福龍橋 在城南四十里絳橋乾隆間龍朝昱建

東里橋 在城南七十里道光壬午佳山楊望元從周耀台富培建易曰廉記

絳橋 在城南四十里嘉慶十一年重修四墩三龕費銀千餘兩

壽萱橋 在城南四十五里集雲鄉梅洲嘉慶年間黃勞山子孫建萬載辛炳喬記

普福橋 在城南五十里閻富嶺下庄上嘉慶年間建教諭茅連茹記

東山橋 在城南四十里山下塔前乾隆庚辰塘溪謝慶貴修墩架木嘉慶十八年裔孫州同職向榮同姪

監生祖貽庠生遴陞遴壻等重修石橋五墩四龕費銀千餘兩

大椿橋 在城南六十里桃溪嘉慶六年里人劉信占建教諭陳會晃記

保孫橋 在城南七十里集雲鄉塘溪嘉慶十年謝作傑建

長峯橋 在城西南三十里揭亢宗建四墩三龕崇一丈八尺廣一丈六尺袤十一丈教授魏瑞記

長庚橋 在修仁鄉龍下徐鍾賢建

椿壽橋 在修仁鄉鞏村徐汝亨建

松齡橋 在修仁鄉下鞏徐鍾賢建

罔極橋 在修仁鄉鞏村徐汝亨建

永安橋 在城西北四十里化北鄉當要衝邑民易永耀屬其子職監生光緒捐建橋垂成而光緒故洪水冲塌永耀妻徐氏又屬次子吏員克宗及光緒妻周氏捐銀一千有奇修之三龕四墩皆砌以石

新田橋 在城西三十里舊有橋三甕四墩乾隆四十九年大水衝圮邑庠生蘇恢武等倡捐重修知縣成元

一往觀為製序贈普懷利濟額 嘉慶二十三年衆加護石欄

流芳橋 在城西六十里巉塘嘉慶十一年邑庠生劉榮陞妻彭氏屬其子鶴翔捐三千餘兩建立

崇廣二丈五尺袤二十丈教諭茅連茹記

遶洲橋 在城西北六十里康熙五十六年衆建四墩三龕

久遠橋 在城西六十里修仁鄉夏家坊監生鍾毓川建

渡春橋 在薦外鄉石陂坑鍾毓川建

兩江橋 在城西七十里當萍楚孔道

通濟橋 在城西八十里店下乾隆二十四年里民陳耀邦劉思聖倡修

九七橋 在薦裏鄉乾隆間鄉飲李占鰲倡建嘉慶間圮於下一里衆建竟成橋復於原處再建改名永福

齊眉橋 在城西一百二十里社溪乾隆十二年里民黃道清捐修

廣惠橋 在城西七十里竹亭監生黃國用倡修

檀溪橋 在城北三里嘉慶年間西外廂監生李宗榮建

萬福橋 在城北十五里信義鄉渥江三龕四墩高二丈四尺廣一丈五尺袤十丈八尺明贈序班楊春藹建國朝乾隆三十九年謀映燦楊堯璧張理標黃釗國楊君寵等倡眾重修六十年項爵耀卿倬雲謀學成楊炳機張翠雲楊禮載等倡眾復修

長瀾橋 在城北二十里信義鄉白沙明贈序班楊春藹建後經善士募修改名萬壽橋

楓林橋 在城北二十里舊有橋久圯明萬歷丙午邑人袁業泗倡造石橋共三龕費三百五十餘兩都察院

陳子貞記 國朝雍正十二年袁振紳袁振鈴等重修建亭於橋上

會勝橋 在城北太平巷僧林巖建

三陽橋 在城北四十里

廣福橋 在城北五十里小江西乾隆二十一年知縣郭人傑倡捐飭里民劉漢臣陳科翰等督修

寶山橋 在城北五十里里人易廷選建

韓塘橋 在城北東五十里

良灌橋 在城北東五十里雙江口

南村橋 在城北東六十里明進士袁魯訓建順治八年袁一忠改建二龕乾隆六十年袁起汝等募眾重修

通仙橋 在城北五十五里化北鄉嘉慶十六年邑庠生易煥謙煥謨續修石橋廣一丈六尺袤三丈六尺高

如其長左右護以石欄費七百餘兩

大庾橋 在城北東六十五里

新橋 在城北東七十里橫塘

萬壽橋 在城北六十里金瑞王應龍建嘉慶元年衆修俱有碑龍紹遠等募眾建嘉慶元年衆修俱有碑

永安橋 在城北六十里石外鄉金瑞下市石砌四墩三龕

石澥橋 在善和鄉橫塘明袁簡七建

兩江口橋

在城北六十里石外鄉四墩三墩

院前橋

在善和鄉定安院前接連二橋明橫塘袁簡七建順治十年袁一忠重修

下湖橋

在橫塘水口下流

零江橋

在城西北一百里石裏鄉

保定橋

在集雲鄉仰峯舊有木橋嘉慶二十五年魏文政位下修建石橋徐輔忠記

康樂橋

在城西南四十里修仁鄉大布上嘉慶甲戌監生謝澄捐建四墩三墩袁九丈二尺廣一丈六尺

文峯渡

在城東五里文筆峯下州同職李廷謀捐造渡船

鵬津渡

在城東四十里

瓦江渡

在城西八里衆募造渡船二隻

王化渡

在城西十五里

稠江渡

在城西二十五里

西村渡

在城西四十里

巖塘渡

在城西六十五里

北關渡

在小北門外乾隆間州同職李廷謀造渡船二隻今廢

官渡

一在北門上水關渡船二隻一在西北溢洲河下

上水關渡步岸基地

石外鄉陳金鰲捐

附錄合街衆姓碑記蓋聞乘輿濟人古之遺愛哀郡秀江橋創自元明係來往通衢今年五月二十一日洪水衝圯過者無不望洋興嘆茲台街公議編舟置渡奈古巷窄狹止二尺餘展步維艱有本邑石外鄉國學生陳金鰲樂善好施將所管上水關店屋右邊磚墻前後二棟折卸捐爛地基三尺以廣步岸以利行人方諸古之遺愛復何以加於是嘉其志勒諸石以垂不朽乾隆四十九年歲次甲辰孟秋月立

心田橋

在化北鄉油木嘉慶六年職員彭宏龍為母廖氏八十壽建

砥柱橋

在城北七十里溪村監生晏世爵續修驪水三為費四百餘兩又修石裏鄉鳳嶺石路百餘丈費一

千餘兩

承先橋

在石外鄉溪村嘉慶丁丑監生鄉飲賓晏樞捐建

按嘉定志橋渡有萍實橋在西城門外神安橋永濟浮橋在北城門外嘉定十三年州守滕強恕重建更名平政獅子橋在神門巷口上浦橋在州東十里頃歲木橋多壞嘉定十三年知縣事黃應酉命僧斃石為之中浦橋在州東十二里金鷄橋在州東十四里司溪橋在州西五里一名沙陂廬橋在州西六里唐大歷中因麟見

於此刺史蕭定改名麟橋中村橋古溪橋皆在州南二十里平橋在州北七里五百橋在州北十里渥橋在州東北七里厚田橋在州東南十里二聖橋在州東北五里湖田橋瓦江橋皆在州西北十里烏石橋在州西北十五里武郎橋在州西北十七里安仁竹山橋在城東門外黃土渡在州西五里都陂渡在州西二十五里節舟渡在州東三十五里宜春縣渡在州東三里墨田渡在州北五里後修府縣志俱未載今補附于此

宜春縣志卷十六

驛鹽志

置郵傳命煮海調羹蓋官司政令之急務小民日用之常經也宜邑地居荒僻少星使之往來土非鹵鹹無筴鹽之籌運舊志驛丞今已裁省而民食官鹽亦昭定式事關守土政治平物價而謹迎送庶幾往來貨賄具見經畫之周詳焉志驛鹽

驛遞

秀江驛舊在宜春縣東門外今廢驛丞裁

府屬宜分萍三縣原額驛馬二十四匹雍正四年裁六匹

乾隆二十四年裁九匹共存九匹宜邑存三匹鋪司兵百十七名

乾隆四十一年奉文裁減新淦縣馬一匹撥增宜春縣應差現存驛馬四匹馬夫一名日給工食銀三分驛馬草料每日每匹給銀八分

府城總鋪俗作鋪非在府前鼓樓西乾隆二十四年知府陳廷枚新建鋪房

東路羅家山鋪 大安鋪 大塘鋪 彬江鋪遞送分宜縣交界界在城東四十里彬江鋪下

西路洞嶺鋪 埭汶鋪 沙田鋪 七星鋪遞送萍鄉

縣交界界在城西五十里分界鋪 北路張家山鋪 雷橋鋪 石嶺鋪 三陽橋鋪 岐

石鋪 公嶺鋪 西嶺鋪遞送萬載縣交界界在城北七十五里

亂石里下界碑近郭村鋪 各鄉墟市 附 下浦市在邑東詔仁鄉 彬江市在邑東歸化鄉 新坊市在邑東集雲鄉

南廟市在邑南集雲鄉 福慶市在邑南集雲鄉即今之絳橋街 沙田市在邑西薦外鄉 新田橋市在邑西北三十里 巉塘

西村市在邑西薦外鄉 竹亭市在邑西薦外鄉 坑西市在邑西薦裏鄉 獲富 市在邑西北一百二十里 黃圃市在邑北西石裏鄉九 三陽

橋市

在邑北

栗村市

在邑北東

梅村墟

在邑北東

金瑞市

在邑北

鹽課

府屬四縣明萬歷間戶口鹽鈔銀七百六十五兩二錢三

分一釐四毫零

起運銀三百八十二兩六錢一分五釐七毫零解部

存留銀三百八十二兩六錢一分五釐七毫零解府

遇閏共加銀六十三兩七錢七分二毫零

已上俱載萬歷會計錄

國初府屬四縣戶口鹽鈔起運存留銀各三百八十二兩

六錢一分五釐七毫

內除逃亡銀一百一十六兩五錢八分三釐四毫實徵銀二百六十

六兩三分二釐三毫遇閏年加脚耗銀八兩八錢二毫銀一十八兩六錢二釐六毫零

除逃亡銀二兩六錢八分一釐四毫實徵銀六兩一錢一分八釐八毫遇閏年加銀四錢二分七釐七毫零

順治十七年續增鹽鈔起運銀一十二兩五錢二分五

釐四毫脚銀二錢八分八釐一毫載賦役全書

宜春縣鹽鈔起存銀共二百六兩三分三釐三毫零水脚

銀二兩三錢六分九釐二毫零載江西大志

戶口鹽鈔起存銀各一百三兩一分一釐七毫

除逃亡銀一兩五錢二分實徵銀一百十兩四錢八分七釐

遇閏加實四釐七毫

八錢九分五毫水脚銀二兩三錢六分九釐三毫

除逃亡銀三分五毫實徵銀二兩三錢三分四釐二毫

賦役全書

額銷淮鹽引數

府四縣歲額銷淮鹽一萬二千六十三引 江西硃鹽每小包連包索硃秤

重七斤四兩內宜分萬三縣每引配鹽四十七包四分四釐八毫萍鄉縣每引配鹽三十包三分

宜春縣歲額四千七十九引 其鹽一十九萬三千五百四十包

乾隆五十八年奉鹽憲檄發摺式內開宜春縣每年額

應銷鹽三千三百七十四引遇閏加銷鹽二百八十一

引一分零每旬應銷鹽九十三引七分

嘉慶二十一年奉文增銷鹽五百六引一分共應額銷

鹽三千八百八十引一分

按嘉定志市鎮東關外仁孝里城南界移風里江北楓

林界並在城烏石市在州南二十五里即福慶直橋酒

店鳳山酒店建義里酒店湯圃酒稅場墨田渡店浴陂

酒店長興酒店晏家酒店大部酒店七里酒店合興里

酒店懷仁里酒店親仁里酒店嘉猷里酒店欽明里酒

店黃家塘酒店黃家塘北甲酒店盧圃酒店盧圃北甲

酒店馮塘酒店沙田酒稅場牕上酒稅場白沙酒稅場

坑西酒稅場若演酒稅場梁觀酒稅場千秋酒稅場已

上俱廢梅州市龍會市將源市長陂山市逢岡市松林

口市擔溪市建義里市並在集雲鄉後修府縣志俱未

宜春縣志卷十八
載今補附于此

宜春縣志卷十八

古蹟志

坊巷附

夏鼎商彝器之古也秦松漢柏樹之古也皆流傳呵護
毋敢褻視况山川城郭名儒之所遊覽良吏之所營建
以及仙釋藏修賢豪寄托皆得指而識之其事雖湮其
名不泯袁州本宜春郡今縣仍其名爲地最古撫流風
遺韻能勿興封殖此樹慎守是器之思乎志古蹟

宜春臺在城內東南隅漢宜春侯劉成於城中立五臺此
爲最勝高凡五十餘丈植桃李以萬計宋建炎中州守
鄧此以奉仰山之神立行祠前有齋閣燧明嘉靖間重

建至萬歷乙亥知府鄭惇典修葺又建石坊於臺畔匾曰憑虛積翠萬歷十八年御史陳禹謨按部復於臺南建總宜樓宏偉壯麗一帶雲烟盡在目前又有種桃亭知縣蔣應震立宜陽第一峯亭春風亭鴻山閣俱在臺上嘉靖間爲居民計知府袁襲裳鑄鼎於臺上以禳火災名水星鼎

鳳凰臺在府城內枕城爲臺樓觀突兀竹松交翠上有鳳臺觀明泰和楊士奇誕生之地嘗送袁守詩曰老夫猶記鳳臺生嘉靖間分宜太學士嚴嵩建亭曰懷鳳載直廬稿

仙女臺在府城內東南隅與宜春臺相望

彭徵君釣臺在郡東五里詳盧肇震山巖記後人以石壁鐫文磨滅過半又一處在雷潭上路側石壁亦有鐫字不可復識惟嘉泰開禧年號暨郡之曾儼書陳日休來數字可辨

湖岡臺在府城南十五里晉鄧表故宅見仙釋

按名勝志載袁郡五臺爲宜春鳳凰仙女釣臺湖岡蓋就袁郡五臺三峽而言非王子劉成城中所築之五臺也至城中五臺自宜春鳳凰仙女外僅一見于城東門內與仙女臺西向相接及東門外較場演武廳後池中

月臺今仍嶄然可符厥數蓋縣治向在東門其月臺必在其內

月臺原在東湖卽今東門外大較場演武廳後池中一臺上有亭名得月後圯俗呼爲梳粧臺非

袁京故居在城東北五里大袁山漢隱士袁京居其下卒葬於側今高士坊是其處山以人名州以山名也載寰

宇記

江宰相宅在府治內東隅其名字時代今皆無考

唐刺史揭鎮宅在郡子城東五十步宋爲鹽鐵都作院

梁丞相袁璞宅在郡治東北後爲開元寺基卽今宜春縣

治

唐盧肇宅在秀江北有洗硯池產綠毛龜今爲宜春縣學

按羅誘宜春傳信錄載盧宅自宅東下繚繞四五里遙

垣墉堅固皆呼爲盧城上通一門出蘆洲爲講學之所

今名蘆洲下爲弋林卽今呼官園者是至鞏溪則未第

時讀書處非其業也

南平王鍾傳宅在府城西北化成巖側唐僖宗所賜第有

南北二池今遺址與池尙存又有別業在萬載縣北十

五里今爲民田前有石筍人以爲令公石載通志

明分宜都憲鍾炆宅在宜春臺下規制宏敞今袁臨協鎮

治卽其舊宅

唐李衛公讀書處在郡西北化成巖唐李衛公德裕貶州長史時嘗讀書於此

盧肇讀書堂在城西南三十里肇嘗讀書於此宋元豐中宜春王雲晉卿買山築室爲燕居講學之所郡守廖子孟名其堂曰潛德紹聖初李冲元官宜春作堂銘郡僚友及朝議大夫李觀皆有詩

鄭谷讀書處在郡南仰山下距城八十里

忠弼堂在府治西明分宜少師嚴嵩第嘉靖間勅賜堂曰忠弼樓曰瓊翰流輝其西圃爲懸車堂嵩自爲記

按堂自籍沒後卽爲府祭關帝廟今呼爲嚴府關帝殿難禪閣在城內譙樓外街南宋李冲元建元爲宜春曹椽黃廷堅爲作銘更名難禪閣

四藤閣在府城南仰山寺朱子帥湖南經此爲學者講道閣下郡士李長明等皆受業焉

潺潺閣在府城南仰山廟右自溪前引水遶廟潺潺有聲宋婁乾曜詩云一派泠泠遶檻清塵襟洗滌自涼生夜深好夢才驚破疑是半天風雨聲載明一統志後建亭又名潺潺亭

龍王閣在府城南五十里蟠龍山下蟠龍寺前平挹雲峯

蓋勝境也王雲詩云經夏地無暑未寒泉有冰
棲霞閣在府城內載廣輿記

需宴亭在州治南唐天寶間郡守房瑄建有亭曰需宴後
刺史太原王涯增飾立李萃所作房公德銘柳宗元書
其碑陰俱見藝文

疏泉亭在府城內宋天禧間袁延度守是州民罹火災爲
疏李渠以備火民甚便之因建亭於上度自爲記并賦
詩刻於石壁詳藝文

飼龍亭在木平山下興化寺中距府城南七十里善道禪
師嘗咒飯飼龍於此又有嘯月亭景物清絕不減佛山

宋李冲元詩窄徑隨溪轉懸崖帶薜斑載名勝志

珠泉亭在郡城南大仰門外明知府黃鳴喬重建同知侯
世屏記詳藝文

見我亭在珠泉池側知府黃希聖建黎元寬記見藝文
聽泉亭在同知廳左東吳徐桂爲同知陶之肖題

勞勞亭在城東三里筆架山下明知縣陸世勣建今廢
黃頗亭在城西門外近黃頗故居嘉慶間知縣黃河清以
前賢名不忍直呼易爲黃亭有詩

江畔桐齋唐鄭谷建僧無可題詩云客齋開別任坐占綠
江濱流水井外物閒雲長屬君浮華未可累曠達若爲

羣風起高梧下清絃日日聞原注鄭好琴性達兼寡慾
齋今毀

一統志

借翠軒在府治南南唐劉仁瞻建傍多竹樹因名

竹尊者軒在城北崇勝寺法堂後新竹一叢數竿挺出雲
表於時賞識標目爲竹狀元郡相吳儲以狀元之名不
雅更名竹尊者至今稱之黃魯直有竹尊者軒記載輿
地紀勝

遠意軒在府治南圃宋州守趙資道建

待補莊在府治東北宋時建

東湖在東門外三十步宋至和二年州守祖無擇始於湖

上建臺榭爲遊觀之所有樂游堂廉堂讓堂休亭銷暑

亭風亭月臺采香閣采珠閣北有射棚南有盧石讓亭

以避濮安懿王諱易讓爲遜紹聖中州守鄭民瞻易廉

堂爲闕武堂以爲較場又以盧石在遜堂之前易名盧

石堂淳熙五年張杓知州事弟棫書東湖匾且易盧石

爲介亭石仍題字於側紹熙元年州守黃邵再修易休

亭爲平易堂采香閣爲浮蔭銷暑亭風亭皆廢爲圓庵

令僧任灑掃之責庵傍建仁智軒開禧中州守羅克開

重修歲久湖涸嘉定十三年州守滕強怒開築今廢久矣

西湖在城外西北唐刺史李將順所開以蓄渠水名曰溢洲塘中留二島曰卧龍上有仁智義政二亭歲久傾圮淤塞

孚惠聖泉在宜春臺仰山行祠之下冬夏不竭病者飲之立愈政和七年州僚張浚爲銘壬辰兵後填塞莫尋

李渠唐刺史李將順開鑿詳渠志

仰山正祠水渠其源卽仰山水分流會於正祠元豐中通判孫伋就上流斃渠分醜入廟深三尺廣稱之凡八百

二十餘丈澄徹可鑑冬夏不涸伋自爲記

司理院井在府治東南十步其水重漏壺多用之

雙井在府治西北茶倉前數步水清味甘居民爭汲大旱不竭

義井在府治東集慶坊南唐刺史李將順開鑿又開防虞池菱池疏理清水池以爲火備淳熙間州守張杓修明宏治庚申知府朱華重修

雙清井舊爲龜鼻井在府治東北甘棠坊府學左畔舊永積庫左濶丈餘內有二小石乳

揚清井舊爲左龜眉井橫二尺長六尺在府治北達里坊

宜春集元 卷二
澄清井舊爲右龜眉井橫直同上在縣治前文會坊西去
西明井十步

東明井舊爲左龜目井濶丈餘在府治東北隅達里坊西
去揚清井三十步

西明井舊爲右龜目井在古開元寺浴院後卽今縣治前
三十步文會坊之西

按已上五井舊志云世傳府形如龜天罡袁先生於城
內鑿龜鼻眉目井以全龜象攷嘉定志始於州守李觀
民非天罡淳熙間州守張杓修治歲久爲居民所侵寶
慶間州守曹叔遠旣復李渠井浚是井明宏治庚申知

府朱華復浚治易今名五井歲久俱淤塞康熙戊申知
府李芳春詳查原井挑浚今俱疏通如舊合郡便之
秋家巷井在府治北百餘步清水池西委巷中井其水特
重漏壺用之

盧氏弋林在震山之西咸通七年盧肇建

錦繡谷在宜陽門外半里宋元祐初薦李觀知虔州不赴
自號玉溪叟於玉溪洞中種列名花號錦繡谷載方輿
勝覽

太平園在仰山集雲峯下去府城南八十里宋大觀四年
產異禾張商英表進瑞禾圖高躅作大雅十二章俱見

藝文

北墅在府城東七里宋鄭居仁建爲遊觀之所中有悠然
等亭載名勝志

三絕碑在府學內叢桂堂宋州守祖無擇建盱江李觀記
河南柳淇書京兆章友直篆額世號三絕

慶豐堂碑舊在府儀門西宋州守祖無擇記河南柳淇書
京兆章友直篆額碑久沈沒土中乾隆乙亥邑士陳敏
等呈請郡守陳廷枚復立

靈應石寶龜在城南仰山正洞

盧石舊在城東門外因狀元盧肇名石奇秀可愛後建盧
石堂杜綰雲林石譜云袁州石出溪水中色稍青黑有
嵌空險怪勢大者高數丈鮮有小巧者唐盧肇隱居草
堂溪水之側堂前立一大石高一丈餘三峯九竅甚奇
怪指爲盧溪石崇寧間欲輦至內府以石背多有前人
刻字語或時忌遂止之

按盧石卽介亭石宋張杓知州事弟南軒先生過之爲
書東湖扁且易盧石亭爲介亭仍題傍側云介亭之石
本盧肇家故物也挺然特立望之有汲黯在朝淮南竊
謀氣象予旣取豫卦六二之義以題其亭併告來者共
護持之亭圯後移石府學前乾隆二十二年知府陳廷

宜春縣志 卷一
枚刻碑立亭於石側揭曰介亭石後以石少雨露潤澤
亭遂毀至縣學前立一石亦稱盧石蓋宅前石也非介
亭

多寶塔在大師門外一里許建年無考上有胡椒樹至今
尚有子墮

文筆峰在城東五里高九丈明天啟二年知縣王家賓倡
建自爲碑文四明王猷亦有碑文

魏夫人壇契依廬在袁州載巨史外紀

按此爲杜光庭洞天福地名山記三十六靖廬之一第
未詳何處姑附此攷劉幼彥仕西晉爲太傅椽娶司徒

魏舒之女名華存字賢安後仙去卽世所稱南嶽魏夫
人子瑕爲安成郡太守故其廬亦在此

按永樂大典內錄嘉定志古蹟有仰如山斗堂在府學
右韓文公祠後唐元和十四年愈貶潮州刺史後又改
守袁州後人慕其道德文章於祠後立此堂以寓景慕
之意元至元甲申府幙李世傑提調學校與郡文學趙
忬修學校祠宇重葺此堂完壯如舊真武道堂在府城
西鳳凰臺上松竹交翠堂殿幽深城市中有山林景象
勝果塔在府城之南舊名天王塔南唐保大六年郡守
頓金翔院宋治平初改今額郡人羅氏重修元豐中僧

寶月立泗洲大聖像於院中元符元年塔像忽見白光
亘天佛陀僧伽之像衣褶纓絡可指而繪凡十有二日
不沒王易爲瑞塔記於是建浮圖九層名曰顯應院南
有天王臺雲峯亭舊名集雲坊嘯月亭在木平山與化
院萬景亭在宜春臺上今慈濟院佛殿是其遺址

坊巷

附

擢秀坊

在邑治東七十步李衢膺薦名

熙春坊

在邑治東南近春臺

獎廉坊

在鐵爐巷宋理宗時州守趙箴夫以廉聞御賜手詔獎勵故名

三賢坊

在邑治東一百步宋許載王欽若胡從義講學於此故名

按許載胡從義俱萍鄉人王欽若新喻人查新喻此時尙屬袁州故羅誘宜春傳信錄叙宋人物以欽若列首

尊賢坊

在邑治東九十步宋李奇膺薦名

宜陽坊

在邑治東門內

懋仙坊

在邑治東棋盤巷以唐黃頗登第名

宜春縣志

卷二

古蹟

七

育材坊 在縣治東

桂枝坊 在縣治東南唐進士第易標所居

桂仙坊 在縣治西二十步以唐王穀登第名

三登坊 在縣治西二十步宋曹傳與弟藻子遷同登第名

儒林坊 在府學門左

叢桂坊 在邑治西二十步唐鄭谷登第名

疏泉坊 在邑治東判官巷因疏西陂水名

論思坊 在府城東南

集仙坊 在邑治東以唐盧肇為集賢學士名

重光坊 在邑治北唐魯受易重同居此會昌五年并擢詞科因名

逍遙坊 在邑治東唐韋無強隱居其地郡守董頊名坊以旌之

集慶坊 在邑治西北六十步以唐刺史韓愈守郡慶雲見於西北名

通泉坊 在邑治北七十步落驢巷

貢賢坊 在邑西北本名積慶唐蔣肱居此擢進士第因名

秀水坊 在北城下巷口

狀元坊 在袁山門外唐盧肇舊宅上

永安坊 在邑治北城下

高士坊 在邑北城外因漢袁京名

祥應坊 在南門

阜通坊 在北門內

相儒坊 因唐李德裕名

飛騰坊 在北門外為明舉人朱鑾立

文明坊 在府學前

蕃宣坊 在布政分司前

澄清坊 在按察分司前

進士坊 為明袁曾訓立

都憲坊 為萍鄉明僉都御史張文昭立

司諫坊 為明都給事中劉璉立

世恩坊 為明同知劉衢立

都憲第 江西巡撫蔡士英為都御史陳之龍立北門城外

中丞第 為明鄖陽巡撫高琬立

大司馬第 為明兵部左侍郎袁繼咸立

清卿坊 為明大常卿龍選立

進士坊 為明龍夔立

天官清署坊 為明吏部主事蕭義立

秋官大夫第 為明寶慶知府前任刑部郎中袁一鰲立

兩臺總憲坊 在南門

都憲坊 在北門外為明松巡撫張鳳立

金榜傳芳坊 為明進士郭叙立

繡衣坊 在南門外明刑部右侍郎郭紳立

喬梓清門坊

在南門為明彭彥克之子光祿署丞彭澄孫廣西布政使夔立

昂霄坊

為萍鄉明舉人黎獻立

貫雕坊

為明舉人傅泰立

鳳鳴坊

為分宜明舉人劉儀立

大夫第

在北門上水關為明維摩知州陳巽言立

會魁坊

在西門外為明進士龍霓立

秩隆三獨坊

在北門上水關江南總督郎廷佐為都御史陳之龍立

丹桂坊

在北門外為明知州陳鐔立

綸恩褒顯坊

在府治西為明封浙江道監察御史楊春美立

二傑坊

為明嘉靖壬午舉人龍復禮高祉立

解元坊

在府學東為明郭鵬立

已上舊有坊而今廢者

三元坊

在府學明知府鄭惇典為唐狀元宜春盧肇易重明會元分宜黃子澄明解元宜春郭鵬分宜易崇

器立

江袁首邑坊

在縣前

保愛坊

在縣治東

綏猷坊

在縣治西

達尊坊

為分宜明少師嚴嵩立

龍飛四雋坊

在東門為明萬歷癸酉舉人宜春朱廷諫分宜宋希堯彭士遠萬載唐應試立

兩關四彥坊

在東門為明舉人宜春順天中式朱志本省中式宜春袁業泗楊國章萬載張以宗立

清朝人瑞坊 在東門為明累封大恭人年百歲袁母黃氏
立即業濂業泗業渠之母刻人瑞集姪孫繼

咸引

秋鶚雙飛坊 在東門為明舉人宜春
潘懋勳萍鄉喻以達立

按以達姓喻府志誤為周

進士坊 在東門為明
易可久立

進士坊 在東門外為進士分宜
宋希堯萍鄉簡繼芳立

雙鶚搏霄坊 在東門外為明萬歷丙子舉
人宜春袁業濂萬載張璧立

聚奎坊 在東門外為明萬歷己卯舉人宜春彭學夔分
宜嚴堯武宋希張萍鄉吳三益萬載彭自新立

枉史坊 在北外廂為明
進士楊衍慶立

鳴珂坊 在北外廂為明工部左侍
郎分宜嚴世蕃父子立

賜輿坊 在袁山門外為明少師分
宜嚴嵩上賜內苑乘輿立

內臺風憲坊 在岡北嶺為明河南
道監察御史何解立

龍門接武坊 在北門外為明選貢
長蘆運判劉應選立

奕葉重榮坊 在北門外為
國朝 拔貢應侍衛陳傑立

大憲臬坊 在岡北嶺為明
進士楊以誠立

金榜題名坊 在岡北嶺為明
進士何簡立

迎恩坊 在東門外大較場
宏治十五年建

貞節坊 在北門外石神巷內有奉萱
堂為州同楊伯憲妻周氏立

判官巷 在府學右因通判署
在巷內故名今存

鈔庫巷 在府
學左

銅壺井巷 在樓下

菱池巷 在府學前

顏家嶺巷 在府學前 內天符廟側對門

廂院巷 宋寶慶間廂民立院以聽公務

登雲巷

按府治西有登瀛巷未知即此否今通 文昌宮

雲峰巷 在宜春臺下即今沙子巷今存

丁竹巷

萬家巷 在東門

蔡家巷 在十字街

按下十字街有上下棋盤二巷未知即此否

王子巷 在東門因祠宜春王子故名今存

落驢巷 在東門以唐彭伉落驢名

新街巷

觀音巷 在報恩寺前

丹桂巷 在城隍廟前

盧祝巷 在北門城下以盧祝廟而名今存

神岡嶺巷 在南門街

孚通巷 在府署左內有照磨署三賢祠五通神祠通同知署前又名二府巷

已上亦有廢而名存者

按嘉定志坊巷有淳化坊達理坊崇儒坊舊名化原昔
有昌黎韓文公祠故名安業坊衣錦坊在盤龍寺庫前
自神岡嶺巷至南城門口朝真坊在高真觀行宮廟前
聯桂坊元朝袁州海牙中都海牙兄弟相繼登進士第
故名甘棠坊在酒稅務巷神門坊廣利坊舊名廣善在
醋庫前碁盤巷涌泉坊在魚巷口文會坊萍實坊務本
坊舊名之楚坊路經萍鄉縣故名恩榮坊元朝夏鎮登
進士第仕至奉訓大夫袁州路府判致仕後以年高碩
德御賜幣帛以示寵異本路爲建此坊神門坊在魚巷
口至南門巷口顯應坊自南門巷口至砲沙河集雲坊

在雲峰亭前善利坊在開元寺背北城下飭化坊在上
竹巷桂霖坊在廂院巷文標坊在判官屋前後修府縣
志俱未載今補附於此

宜春縣志卷十八

封爵志 郡爵附

古者分茅胙土衆建諸侯有同姓異姓之封誓河山而盟帶礪所以表功德衛京師也自秦改封建爲郡縣漢因之然子弟以地分國者猶見三代遺意後世開國元勳凱歌鉅績酬庸報功之典亦詳載於史冊宜春侯長沙王子受封以後有剖符受封茲土者得攷事而著於篇志封爵

西漢

劉成長沙定王子武帝元光六年七月乙巳封宜春侯元

鼎五年坐耐金免國除載漢書王子侯表

按是時宜春為縣屬豫章郡并隸長沙王國劉成封宜春其父發正為長沙定王第考通鑑武帝三次改元元朔甲寅二年春正月詔諸侯王得分國邑封子弟為列侯距二次改元之元光六年壬子已先越二年疑通志府志皆有悞

復按漢書劉蒼張普銚期劉賜俱封安成侯攷漢安成縣名尙未立郡府志已辨通志之悞而仍收張普劉賜于袁州封爵傳內悞又考衛伉王訢俱封汝南郡之宜春侯漢書地理志外戚恩澤表俱注明通志收入江西

封爵表誤而袁志去衛存王亦誤今俱逸之漢書地理志宜春有二一屬汝南郡一屬豫章郡亦有宜陽宜城宜陽屬宏農郡宜城屬南郡至袁之宜春改為宜陽在晉非漢即安成為縣在漢至三國吳改郡而安成縣名又改為安復即後之安福茲查通志府志不能無錯因攷正以防疑悞

東漢

劉匡中山王劉茂弟匡亦與漢兵俱起建武二年封宜春侯永平中子浮嗣封為朝陽侯傳國至孫獲無子封絕載漢書宗室傳

宜春縣志 卷之二
攷漢書功臣表孝武功臣七十五人武安等九人在外
戚恩澤宜春等五人隨父凡八十九人王子不在其中
今查外戚封宜春者其名不著因特標識于此

彭翼本縣人獻帝朝歷官建平長沙北海三郡太守封宜
春侯載林志

按本邑人受封爵例應列人物志第彭翼施游譙德衡
夏執中俱封宜春本邑侯故列此內如夏協張嗣古雖
受爵未食本郡采邑仍列人物

施游本縣人仕爲太常博士安南將軍歷九江太守封安
成郡宜春侯載林志

晉

桓元溫第六子以平元顯功封豫章郡公食安成郡元興
三年五月壬午斬于貊盤洲載晉書本傳

桓謙冲次子以父功封宜陽縣開國侯元既用事改封寧
都侯桓振作亂奔姚興後至蜀爲劉道規所殺載晉書
本傳

按晉書地理志太康元年吳平改宜春爲宜陽仍屬安
成郡

張闔丹陽人以佐翼勲賜爵丹陽縣侯蘓峻平賜爵宜陽
縣伯尋卒子混嗣載晉書本傳

宜春縣志 卷之五
三
桓修桓元從弟元興中元篡位以修爲安成郡王卒葬安
福城南五十里載寰宇記

按修通志府志俱缺載今補攷修冲子譙國銓人曾任
江州刺史

檀韶高平金鄉人初平桓元封巴邱縣侯以討盧循并論
廣固功更封宜陽縣侯食邑七百戶宋武永初二年卒
追贈安南將軍子緒嗣緒卒無子國除載宋書本傳

張劭封宜陽侯降封臨沮伯卒謚簡伯載宋書

按宋書徐羨之傳後上初卽位思佐命之功詔曰西中
郎司馬南郡宜陽侯張劭可封臨沮伯觀此則劭在晉

曾封宜陽侯臨沮特宋初改封耳第云南郡恐汝南姑
從府志存之

劉宋

劉愷義宣次子元嘉三十年六月改封宜陽侯爲宜陽王
孝建元年義宣反問至愷報臨汝公蓋詔事覺并詔誅
載宋書南史

劉子孟孝武第十六子大明七年年五歲封淮南王食邑
二千戶泰始二年改封安成郡王戶邑如先未拜賜死
載宋書

按南史安成王亦名子孟豫章書作子益誤

劉準泰始七年以第三皇子封爲安成王食邑三千戶元徽五年七月卽皇帝位是爲順帝載宋書明帝本紀按通鑑順帝昇明元年丁巳秋七月宋中領軍蕭道成弒其主昱而立安成王準自爲司空錄尙書事冬十一月宋中書監袁粲尙書令劉秉謀誅道成不克而死己未三年夏四月道成自進爵爲王隨稱皇帝廢宋主爲汝陰王徙之丹陽尋弒之滅其族攷安成藩封爲帝者二一則順帝一則陳之宣帝第宣帝廢主自立未免跋扈近於不軌而順帝踐祚二年無異針氈觀其彈指一語意欲求爲一飽無時之乞夫而不可得悲哉

柳叔仁元景第六子以破賊質功封宜春侯食邑八百戶廢帝永光元年殺元景并誅叔仁國除載柳元景傳後童太一東莞人景和元年廢帝誅羣公下詔封太一宜陽縣男食邑三百戶太宗卽位與越等謀反伏誅國除載宋書宗越傳後

南齊

蕭子光封宜陽侯永元中義師圍城與兄子操卒於尙書都座見齊書豫章王傳

蕭高太祖第六子高帝建元元年封安成王食邑二千戶武帝永明九年夏薨贈撫軍將軍載齊書

蕭梁

蕭秀太祖第七子天監元年封安成郡王食邑二千戶十七年二月薨贈侍中司空謚曰康子機嗣大通二年薨謚曰煬子操嗣載梁書本傳

按南史及綱目載秀精意學術務行德義性極仁恕左右嘗以石擲殺所養鵠齋師請案其罪秀曰吾豈以鳥傷人雖與梁王布衣昆弟及爲君臣小心畏敬過於陳賤梁主以此益賢之

又按淵鑑類函有劉孝儀安成王讓江州表徐陵安成王讓錄尙書表後啟又有梁簡文帝安成蕃王墓誌銘

俱未載名并附

附安成王參軍事

何遜字仲言東海鄒人承天曾孫天監中舉秀才由安西調任

安成王王簿

陸倕字任公吳郡人舉秀才天監初任

王籍字文海琅琊臨沂人天監中任

安成王記室

何思澄字元靜東海鄉人

按已上四人府志未載俱據梁書補

王珍國沛國相人天監初封攝陽縣侯邑千戶五年以無

宜者縣志 卷之
功請解改封宜陽縣侯邑如前十四年薨贈車騎將軍
諡曰威子度嗣見梁書本傳

按豫章書作王國珍譌

陳

陳頊文帝弟永定三年世祖嗣位改封安成郡王光大二
年贈邑三千戶十一月入篡是爲宣帝載陳本紀

按頊高祖霸先姪文帝禧弟天開元年文帝殂太子伯
宗立光大二年冬十一月頊廢其王伯宗爲臨海王己
丑春卽位改元大建在位十四年

隋

元世雅以漢王諒反與豆盧毓同據城拒諒封安成侯見
豆盧勣傳及通志

按府志載隋開皇九年廢安成郡置袁州今攷通志府
志載隋封爵惟元世雅譙德衡始封未詳餘若楊筠袁
憲受封均在廢郡置州之後何楊袁封爵仍稱安成明
係有悞姑存之

譙德衡本縣人仕爲信威將軍本州刺史封安成郡侯載
林志

楊筠廬陵王子開皇十六年正月丁亥以皇孫筠爲安成
王勇敗分徙嶺外勅所在殺之見高帝本紀

宣春縣志卷之二
袁憲初至長安文帝嘉其雅操詔以爲江南稱首授開府儀同三司昌州刺史開皇十八年卒贈大將軍安成郡公諡曰簡載南史

按通志陳南康內史有袁憲云字德章陽下人攷陳書憲爲尙書僕射隋軍入朝堂百官皆走獨憲侍不去後主謂曰今日可謂歲寒知松栢也非惟由我無德亦是江東衣冠道盡後主將避匿憲正色曰大事至此避將安之臣願陛下正衣冠御前殿依梁武見侯景故事後主不從下場走憲從景陽殿後主忽投井憲哭拜而出

唐

李綸順宗元年四月壬寅封袁王載唐書

按通志府志俱載李紳順宗子封袁王咸通元年五月薨誤當從唐書作綸爲是

李佃豐王瑛第二子封宜春郡王載豫章書

按唐書作李佃郡志誤作佃又宜春臺下郡王廟謂祀袁州刺史李游攷游未受封爵恐佃游字音同之誤

王雄誕曹州濟陰人武德初以前後功授歙州總管封宜

春郡公輔公祐府志祐反誕不從爲祐縊死太宗立贈左

驍衛大將軍諡曰忠子世果襲封載唐書本傳

附王屬傳

季 玘 詳雜志

按季玘府志未載從西陽雜俎補

王屬長史

武 昭 詳雜志

按武昭府志未載從綱目補

楊吳

楊璆唐帝第三子乾貞二年春正月丁巳立為宜春王載

十國春秋

楊璆唐帝從子封宜春王南唐禪代降郡公載十國春秋

南唐

李從謙元宗第九子後主母弟也數歲為奕棋詩有思致

後主賞歎之歷封鄂國公建隆二年六月元宗晏駕後

主嗣位于金陵封弟從謙為宜春王從謙風采整峭興

頗豪舉倜儻又材性夙成雅善書法製撰多不具藁常

戲作夏清侯傳甚稱於世後進吉王歸宋為右領軍衛

大將神武統軍改名從誦子仲偃舉宋太中祥符八年

進士載十國春秋

按府志本唐餘紀傳作交泰四年

宋

趙宗勝濮王子徽宗政和四年正月追封為袁王贈太師

宜春縣志 卷之六
謚僖孝載通志

夏執中本縣人成恭皇后兄官至奉國軍節度使以后貴封宜春侯加郡公載通志

按宋史夏后傳寧宗卽位加少保逾年卒并未言及封爵茲因通志列之并詳人物列傳

復按通志府志封爵載宋劉光世保安軍人紹興十五年卒贈太師乾道九年十一月追封爲安成郡王又載元朶兒甘一名見敦世傑至元初以世襲袁州路宣差卒贈上輕車都尉江西權茶都轉運使廣安郡侯謚通敏子朶兒只代其職歷三十年攷安成在隋開皇九年

已改郡名卽宋有劉光世郡王追封而袁非所轄似不宜列入朶兒甘世襲宣差其制太宗五年有阿同葛充宣差勘事官無異明之分守分巡各道亦不應列入封爵及達魯花赤職官今俱逸之附識于此

明

朱磐姚獻王第三子宣德三年封宜春王薨謚安簡子奠堉嗣宏治八年薨謚宣和子覲鏞蚤薨追謚懷簡子宸會嗣宏治十一年薨子拱櫛嗣正德十四年坐宸濠黨就擒國除載通志

歐祥一名普祥初事天完徐壽輝至正壬辰祥據袁州庚

宜春縣志 卷二
子五月陳友諒殺壽輝僭號祥耻友諒所爲不爲用辛
丑八月明太祖討友諒拔江州祥遣使以地降壬寅正
月太祖至南昌祥率衆來見封袁國公俾仍守舊鎮預
征討尋率師取撫州等郡又從克武昌甲辰三月太祖
遣使以書諭祥及江西守將鄧愈進攻贛州熊天瑞未
幾贛州平載府志

黃彬江夏人初歐祥取袁州彬爲副將後祥附太祖彬亦
屬焉數從征討有功洪武三年封宜春侯歲祿九百石
二十三年坐胡惟庸黨死載府志

按豫章書作王彬譌今從明書改正